

Siunnersuummut nassuiaatit

Nassuiaatit nalinginnaasut

1. Aallaqqaasiut

2018-imi ukiakkut ataatsimiinnermi Inatsisartut akuersissutigaat Inatsisartut inatsisaanni §§ 2-5-imi aalajangersakkat 31. december 2021-p tungaanut unitsikkallarneqassasut. Tamanna pivoq Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 24, 28. november 2018-imi. §§ 2-5 kommunini Namminersorlutillu Oqartussani missingersuutini naatsorsuisarnermut tunngapput.

Inatsisinilli atulersitsinermi ajoraluartumik paasineqarpoq, taakku periaatsitigut tulluannigitsunik imaqtartut. Ilaatigut kommunit Namminersorlutillu Oqartussat akornanni suliassanik nuussisarnerup amerlineri naammaginatumik eqqarsaatigineqarsimangillat, soorlu kingumut missingersuutini naatsorsuineri Inatsisartut inatsisaata atulersikkiartuaarneqarnissaata pisariaqartinneqarnera naammaginatumik eqqarsaatigineqarsimangitsoq, taamaasillutik Inatsisartut inatsisaata atulersinneqarnerata siornatigut ukiut naatsorsuiffiusut ilanngunneqartussaanaatik.

Tamanna tunuliaqutaralugu paasiniaaqqissaarluni sulineq aallartinneqarpoq, tamatumani siunertaavoq erseqqissassallugu, inatsisit allanngortinneqarnissaat pisariaqartinneqarnersoq, taamaappallu inatsisinik nutaanik taama ittunik oqaasertaliinissamut siunnersuutini saqqummiussisoqassasoq.

Siunnersuummi matumani §§ 49 aamma 50, atorunnaarsinneqassapput, §§ 2 aamma 4 aalajangersakkanik nutaanik pisarinnerusunillu taarserneqarlutik. Taakkua saniatigut Namminersorlutik Oqartussat Sanaartugassanut Iluarsagassanullu Aningaasaateqarfiani malittarisassat allanngortinneqassapput, soorlu aamma kommunit aningaasaateqarfinnik taamaattunik pilersitsisinnaanerat ammaanneqartussaasoq. Aammattaaq kommunit naatsorsuutini saqqummiussisarnerannut malittarisassat pisariillisarneqassapput.

Ilanngullugu akiitsunik taakku oqimaaqatigiissaarneqarnerat malillugu akilerneqarsinnaanngitsunik tamanik isumakkeerinissamut kommunit ataasiaannartumik akuersissuteqarsinnaanissaat periarfissinneqassaaq. Tamatuma saniatigut pisortat qarasaasiaqarnikkut ataatsimut periusii pillugit malittarisassanut erseqqissaammik siunnersuut imaqtartuq.

1.1. Missingersuutitigut inissisimaneq


Siunissaq qaninnerusoq, akunnattoq ungasinnerusorlu eqqarsaatigalugit pisortani aningaasaqarnermi oqimaqatigiissitsinissaq pingaaruteqarpoq. Tamatumunnga ilaatigut pissutaavoq, Kalaallit Nunaata aningaasaqarnera nunanut tamalaanut sanilliullugu annikitsutut taaneqartariaqarmat, maannamullu annertuumik pinngortitami isumalluutini ataatsimit isumalluuteqarluni (aalisakkat qaleruallillu). Kalaallit Nunaata aningaasaqarnera taamaasilluni allanut sanilliullugu nunani tamalaani aningaasarsiornikkut pissutsit nikerarnerannut aamma aalisakkanit pisuussutsit allanngorarnerannut aallaaviatigut mianernassuseqarpoq. Mianernassuseq aatsitassarsiornermut suliassa qarfimmi, takornariaqarnermik il. il. ineriartortitsinikkut annikillisarneqassaaq, kisiannili nunani tamalaani aningaasarsiornermi pissutsit nunap aningaasaqarnerata ineriartortarneranut annertuumik suli sunniuteqartassapput.

2008/2009-mi aningaasaqarnermi ajornartorsiornerup, kiisalu maannakkut Covid 19-eqarnerata takutippaa, naalagaaffiup ataatsimut tapiissutai Kalaallit Nunaata aningaasaqarneranut annertuumik patajaatsumik sunniuteqartut. Ajornartoornernit taakkunanga pitsaanngitsumik aningaasaqarnermut sunniutit qujanartumik annilaangagineqartumit annikinnerusimapput, tamatuma ilaatigut isumaginninnermi aaqqiissutit atatiinnarnissaat, ilaatigullu annertusarnissaat, suliffiit qulakkeernissaat aamma akileraarutinit iluanaarutit attatiinnarnissaat periarfissaqalersissimavaa.

Naalagaaffimmit ataatsimut tapiissutit pingaarutaat piffissap ingerlanerani annikilliarussaap. Tassunga ilaatigut pissutaavoq, aningaasarsiornerup annertusiartornerata ataatsimoortumik tapiissutit annertusiartorneranik qaangiinnissaat naatsorsuutigineqartariaqarmat, ilaatigut naalagaaffiup ingerlatsinerimut missingersuutaanni agguaqatigiissillugu akigititanik akissarsianillu naleqqussaasarneq atorlugu ataatsimoortumik tapiissutit naleqqussarneqartarmata, tamannalu ukiuni amerlanerani Kalaallit Nunaanni agguaqatigiissillugu akigititanik akissarsianillu naleqqussaasarnermit minnerusarpoq, ilaatigullu ataatsimoortumik tapiissutit aatsitassarsiornermik suliassa qarfimmit isertitat annertusiartornerat malillugu millisinneqarnissaat naatsorsuutigineqartariaqarmat.


Tunnngaviusumik ineriartornerit arlallit ukiuni qulikkaartuni aggersuni pisortani ingerlataqarfimmi aningaasaqarnerup ineriartorneranut sukangasumik sinaakkusiissapput. Ilaatigut inuiaqatigiit katitigaaneranni annertussusaannilu allannguutit aningaasaqarnikkut politikimik aqutsinerimut sukannernerusunik piumasqaateqalersitsissapput, kiisalu atugarissaarnermi tapiissutinik pingaarnersiunerimi tamaviaarnartitsissalluni.

Takussutissiami pilersugassat pilersuisinnaasunut naleqqiullugit naatsorsuutitalimmi, ilungersunartut takuneqarsinnaapput.

Takussutissiaq 1

Takussutissiaq innuttaasut 0-16-init missaanni aamma 66-it sinnerlugit ukiullit innuttaasut 17-66-it missaanni ukiulinnut sanilliullugit amerlassusai takutippai. 2021-mit 2036-mut innuttaasut (tamakkiisumik ilaatigoortumilluunniit) innuttaasut sulisinnaasut 17-66-inik ukiulinnit pilersugaasussat annertuumik amerleriassasut. Piffissami inuiaqatigiit qanoq ineriartornerat qaffannerup ersersippaa. Ineriartorneq taanna pissutigalugu pisortat aningaasaqarneranut kinguneqassaaq.

Takussutissiaq tulliuuttup aamma ersersippaa, Kalaallit Nunaat Nunat Avannarlerni annermik pisortatigut ingerlataqarfeqartoq.

Takussutissiaq 2

Takussutissiami 2018-imi Nunani Avannarlerni pisortatigut ingerlatsiviit annertussusaat, naalagaaffimmi tunisat ataatsimut nalinganit pisortat ataatsimut aningaasartuutaat %-inngorlugu takuneqarsinnaavoq.

Inuiaqatigiit katitigaanerisa allanngoriartorneranut attuumassuteqartumik aningaasartuuteqarnerulerup aamma ajornartorsiutit allat assingusut pisortat aningaasartuutaasa qaffannerisigut aaqqinniarneqarpata, taava akileraarutit annertuumik qaffanneqarnissaat pisariaqassaaq, assinganillu pisortatigut ingerlatsivik alliertussalluni.

Naalakkersuisut Kalaallit Nunaanni akileraarutit killeqanngitsumik qaffannissaat kissaatiginngilaat aamma Naalakkersuisut pisortatigut aningaasartuutit BNP-mi ilaat annikillisarnissaat anguniarpaat.

Inatsimmi §§ 2-5 2016-imi akuersissutigineqartumi pingaarnersiorneqartut suli atuupput. Taamaammatt suli pisortat aningaasartuutaasa ineriartornerani ingasaassinaveersaarnissaq, kiisalu pisortat aningaasaqarneranni oqimaaqatigiittoqarnissaannut piumasaqaateqarnissaq pisariaqartinneqarpoq. Atortussat ilaatigut tassaapput aningaasaqarnermut politikimut aaqqiissutit piffissaq ungasinnerusoq eqqarsaatigalugu atasinnaasut, kiisalu pisortani piginnaasumik suliaassanik iluarsaneq ingerlataqarfinit tamani pissusissamisoorumik naammassisaqarluarsinnaalluni pitsanngorsaaniikkut.

Pisut ilaanni ineqarnermut, inuussutissarsiornermut imaluunniit ataqatigiimmik aaqqissuussinernut suliniutinut aningaasaliinerit ukiut sisamat ingerlaneranni amigartoornermik kinguneqarsinnaapput, kisianni taarsiullugu piffissap sivilinnerusup ingerlanerani, s. i. ukiut 10-t imaluunniit 20-t naatsorsuineq ingerlanneqarpat, aningaasaliinerit annertuumik sipaaruteqarnermik imaluunniit aningaasarsiorneqarpat, siuariartornerup pitsaanerulerneranik kinguneqarsinnaapput. Taamaammatt inatsisit nutaat kingunerisariaqanngilaat, naleqquttumik aningaasaliinerit taamaattut naammassineqannginnissaat imaluunniit piffissami sivilinnerusumi aningaasaqarnikkut inatsimmi annertuumik sipaaruteqartoqarpat aatsaat naammassineqarsinnaanissaat. Taamaammatt aningaasaliinikkut suliniutit immikkut ittut piumasaqaatit ilaat naapertorlugit missingersuutini inissisimaneramik naatsorsuusiornissamit mininneqarnissaannut periarfissiinissaq pisariaqarpoq. Piumasaqaatinut ilaatigut ilaapput, aningaasaliinikkut suliniut immikkut ittumik nalileereernerup kingorna aningaasaliinerup inuiaqatigiit aningaasaqarnerannut pitsaasumik iluanaaruteqarnissaa uppersarsarneqarsinnaanissaa. Maannakkut inuiaqatigiinnut aningaasaqarnikkut sunniutissaannik nalilersuinermi ilitsersuut atuuttoq januar 2014-imeersoq malillugu naliliisoqartarpoq.

Pisortat ingerlatsiviini aningaasarsiorneqarpat siuariartornermik killiliineq ingerlataqarfiup sulisunik pisariaqartitsineranik millisitsissaaq. Tamatuma ilaatigut kinguneranik innuttaasut

namminersorlutik ingerlatsivinni suliffissarsiortut amerleriassapput. Sulisinnaasut piukkunnaateqartut amerlanerulerneru inuussutissarsiornermut assigiinngisitaartumut ineriartornissamut aamma ikaarsaarnissamut pingaaruteqarluinnarpoq. Inuussutissarsiorneq immikkoortunik annertuunik (aalisarneq, aatsitassarsiorneq, takornariaqarneq il. il.) katitigaasoq aningaasarsiornikkut siuariartornerup annertunerulerneranut peqataassaaq aamma aningaasaqarnerup atasinnaanerulerneranik qulakkeerinnissaaq.

1.2. Sanaartugassanut Iluarsagassanullu Aningaasaateqarfiit

Namminersorlutik Oqartussat Sanaartugassanut Iluarsagassanullu Aningaasaateqarfiat ullumikkut Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersumi §§ 21-24-mi malittarisassiuunneqarpoq. Inatsimmi aalajangersakkat sinneri atorunnaarsinneqarnikuupput. Naleqqunnerussagaluarpoq malittarisassat taakku missingersuutitut aamma naatsorsuutitut inatsimmut atuuttumut nuutinneqarpata, taassumalu saniatigut malittarisassat siunnersuummut matumunnga naleqqussarneqarpata.

Namminersorlutik Oqartussat assigalugit kommunit sanaartugassanut iluarsagassanullu aningaasaateqarfimmik pilersitsisinaanissaata periarfissinneqarnissaa kommuninit kissaatigineqarsimavoq. Sanaartugassanut iluarsagassanullu aningaasaateqarfinnut siunertarineqarpoq sanaartugassanik suliassaqarfimmik aqutsinerup pitsaanerulersinnissaa. Sanaartugassanut iluarsagassanullu aningaasaateqarfimmik pilersitsinerup kinguneraa, ukiumi naatsorsuiffiit akornanni sanaartornermi akigitat nikingassutai pissutigalugit akiliutigineqartut nikingassutai aningaasaateqarfimmit naligiilersinneqarpata, taamaalillunilu aningaasaleeqqinnissamik sulianik amerlasuunik kinguneqaratik. Aningaasaateqarfiit sanaartornermi suliassaqarfimmi aningaasaqarnerup ajornaannerusumik paasiuminarnerusumillu aqunneqarnissaa ajornarunnaarsissavaa.

1.3. Kommunit naatsorsuutiniq saqqummiussisarnerat

Inatsisit atuuttut naapertorlugit Aningaasaqarnermut ataatsimiititaliap naatsorsuutit kommunalbestyrelsimut tunniutissavai, kukkunersiuisup naatsorsuutitut nassuiaateqarnissaa sioqqullugu. Kommunalbestyrelsimut naatsorsuutitut nassuiaateqarnerata kingorna, kukkunersiuisumut naatsorsuutit nassiuunneqassapput, tamatuma kingorna kukkunersiuisup nassuiaatini Aningaasaqarnermut ataatsimiititaliamut saqqummiutissavai. Suleriaaseq taanna pisariaqanngitsumik allaffissornermi ingerlatsinerusutut isikkoqartoq isumaqarnarpoq, iluaqutaasumillu ajornaatsunngortinneqarsinnaalluni Aningaasaqarnermut ataatsimiititaliap naatsorsuutit kommunalbestyrelsimut tunniunnerani kukkunersiuisumit nassuiaatit ilanngunneqarnissaannut piumasaqaateqarnikkut.

1.4. Akiitsunik naatsorsuuserinikkut nalikilliliineq

Kommunit innuttaasunit suliffeqarfinnullu annertuumik pissarsiassaqlutik paasisimavaat. Taakku ukiut amerlasuut ingerlaneranni pinngoriartorput. Pissarsiassat ilaat akilerneqarsinnaanngitsutut isigineqartariaqarput, taamaattumillu kommunini naatsorsuutitigut nalikillilerneqartariaqarput. Namminersorlutik Oqartussanut sanilliullugu kommunini ingerlatsinermut naatsorsuutini pissarsiassat akilerneqarsinnaanngitsunik ukiumoortumik nalikilliliisarneq nalinginnaasumik periusiusimangilaq. Pissarsiassat ukiuni arlalinni pinngoriartortut ullumikkut nalikillinerisa nassatarissavaa kommunit naatsorsuutimikkut annertoorujussuarmik amigartooruteqarnerannik, tamannalu pissutsit malillugit ukiumi naatsorsuuseriffiusumi naatsorsuuseriffiusuniluunniit kommunit aningaasaqarnikkut inissisimaniviat kukkusumik isigineqalissalluni.

1.5. Pisortani ataatsimoorluni qarasaasiaqarneq

Tamatuma saniatigut paasinarsisimavoq erseqqissartariaqartoq pisortat ataatsimut qarasaasianut malittarisassani aamma atorineqarsinnaasut, pisortat oqartussaaffii, suliffeqarfiit il. il. tamarmik aqqissuussinernut pineqartunut atuisariaqanngitsut.

2. Siunnersuummi immikkoortut pingaarnertit

2.1. Missingersuutitigut inissisimaneq


Piffissap ingerlanerani aningaasartuutit isertitanit amerlanerunnginnissaat anguniagaavoq. Taamaattumik missingersuutit naatsorsuutillu pillugit inatsimmik ukiut 4-t ingerlanerini Namminersorlutik Oqartussani kiisalu kommunini ataasiakkaani missingersuutit oqimaatigiinnissaannut imaluunniit sinneqartoorfiunissaannut piumasqaateqartoqarpoq.

Pisortat aningaasartuutaasa annertusiartornerat killilerneqassasoq ilanngullugu anguniagaavoq. Missingersuutit inissisimanerat taamaasilluni ima nassuiarneqarpoq, kommunip aallaaviusumik ukiumoortumik missingersuutai ukiuni tulliuttuni missingersuutit ilanngullugit imaluunniit Namminersorlutik Oqartussat aningaasanut inatsisaat missingersuutit ilanngullugit, tunngaviusumik sanaartornermut, ingerlatsinermut, isertitanut tapiissutinullu inernerusumut sanilliullugit amigartoorfioqqusaanngitsut. Peqatigitillugu ingerlatsinermut, sanaartornermut tapiissutinullu aningaasartuutit tamarmiusut ukiumi ataatsimi annertunerpaamik 1,0 procentimik qaffariaateqarsinnaapput kiisalu ukiuni 4-ni annertunerpaamik katillugu 2,00 procentimik qaffariaateqarsinnaalluni. Aningaasanut inatsimmi aamma kommunit ukiumoortumik missingersuutaanni ukiuni missingersuiffiusuni aalajangersimasunik akeqartinneqassapput. Taamaalilluni naatsorsuutigisamik aningaasat naleerukkiartornerat ilanngullugit eqqarsaatigineqanngillat. Taamatut tunngavigineqarpoq, ukiumoortumik missingersuutini aamma aningaasanut inatsimmi aningaasartuutit siorna akit atorlugit nalunaarsorneqarnissaat, taamaalilluni ukiuni missingersuiffiusuni aningaasartuutit annertusiartorneri tamakkerlutik aningaasartuutit qaffariaateqassallutik.

Aningaasanut inatsimmi ukiut sisamat ingerlaneranni amigartooruteqaqqusaannginnera pillugu piumasaqaammi pisut ingalassimanissat siunertaralugu, ineqarnermi, inuussutissarsiornermi imaluunniit ataqatigiimmik aaqqissuussinerni aningaasaliinerit aningaasaqarnikkut iluanaarutaasinnaasut allat akerlilerniarlugit, siunnersuutigineqarpoq, § 2, imm. 2 malillugu naatsorsuineri aningaasartuutit aningaasaliinernut taamaattunut atatinneqarsinnaasut ilanngullugit naatsorsuutigineqannginnissat, sunniutissanik nalilersuineq malillugu nalilerneqarpat ataatsimut isigalugu inuiaqatigiit aningaasaqarneranut iluanaarutaasut aamma tamanna Inatsisartut akuerisimappassuk.

2021-mut aningaasanut inatsisip 5 %-ianik aningaasaliisoqarnissaa akuerineqassappat aamma Inatsisartut § 2, imm. 3-mut siunnersuut malillugu aningaasaliineq taanna naatsorsuutigineqassanngitsoq akuersippata, qanoq pisoqassanersoq ataani ersersinneqarpoq. Taamaalilluni ukiunut sisamanut aamma ukiumut ataatsimut killigititaq 5 %-imik qaffariassaaq, 2022-mi 7 %-imik aamma 6 %-imik taama tulleriillutik. 2023-mi ukiumut ataatsimut killigititaq 1 %-inngoqqissaaq, ukiunullu sisamanut killigititaq 2 %-iussasoq.

Takussutissiaq 3



Siunnersuummi 2022-2025-mi annertusiartornerup naatsorsorneqarneranut 2021 ukioq aallartisarfitut qinerneqarsimavoq. Nalunaarsorneqarsimasut ilaannik naleqqusaanissaq suliarinerani piasarsinnaavoq naatsorsuinerit tunngaviusumik sapinngisamik assigiiaartumik ingerlanneqarnissat qulakkeerniarlugu. Matumuuna ilaatigut pisortat ataatsimut aningaasaqarnermut systemiat nutaaq sumiiffinni tamani suli atulersimannnginnera pingaartinneqarpoq. Pisortat aningaasartuutaasa qaffariaataannut qummut killigititaq kommuninut aamma Namminersorlutik Oqartussanut pisariillisaanissamut aamma

naammassiortornerup annertusineqarnissaanut kajumissaarinermik sakkortunerulersitsivoq. Taamatut pisortat ingerlataqarfii pigissaarnerup qaffanneranut tuniseqataassapput suliassat pitsaanerusumik naammassineqartarnerisigut aamma isumalluutinik atuinerup millisinneqarneratigut.

Pisortat ingerlataqarfii sunniuteqarluarnerusut piffissap ingerlanerani ingerlataqarfiup sulisunik pisariaqartitsinera millisissavaa, ilagalugit sulisut nunanit allaneersut, taama ilaatigut namminersorlutik suliffeqarfiit piukkunnaateqartunik sulisunik kajumilersitsinissaannut periarfissai pitsanngorsarneqassapput. Qaffariaataannut qummut killigitiq pisortat suliassaqarfiini suli aningaasarsiat ineriartornissaannut aporfiumngilaq. Taamaattoq naatsorsuutigineqartariaqarpoq annertusiartornerata sukkassusaa akunnattuussasoq. Piffissaq ungasinnerusoq isigalugu tamanna ingerlataqarfiup unammillersinnaassusaanik millisitsisinnaavoq ilaatigut qallunaat suliffeqarfeqarfiannut naleqqiullugu. Pisortat ingerlatsineranni aningaasartuutaasa annertusiartornerannik killiliinissaq pillugu piumasaqaateqarneq aammattaaq pisortani ingerlataqarfiit akornanni aningaasanik annertunerusumik nussuinermik nassataqassaaq, pissutigalugu suliniutit pingaarnersiuerillu nutaat annertuumik pisortani pingaarnersiueqqinnerit aqutigalugit aningaasaliissutinik nassaarniartariaqassammata.

Ineriartornermi nalinginnaalersut sillimaffiginialugit, assersuutigalugu innuttaasut amerliartornerat, suliassanik nuussinerit il. il. naatsorsuisarnermut malittarisassanik ilanngussisoqarnissaa siunnersuutigineqarpoq, taakku pisortani aningaasartuutitut killissarititaasut inuiaqatigiit ineriartornerannut il. il. naleqquttuunissaannik qulakkeerinnissapput. Siunertarinqarsimavoq naatsorsuisarnermi malittarisassat sapinngisaaq tamaat ajornaatsunngortinneqarnissaat, pissutigalugu taamaaliorneq suliarinerani ajornannginnerulersitsissammatt. Inerneraa, malittarisassat allanut naleqqiullugit annikitsortai ilanngunnagit nalilersuinernik tunngaveqarlutik suliarineqarsimanagerat, taakku allaassutsinik assigiinngitsunik suliassaqarfinni tamani immikkoortuni atuussinnaasunik eqqarsaatigineqanngillat. Assersuutigalugu innuttaasut amerliartornerisa imaluunniit innuttaasut ikiliartornerisa akornanni malittarisassanut atatillugu kommunimut imaluunniit kommunimit nuuttut, innuttaasut sulisinnaasutut imaluunniit sulisinnaanngitsutut ukiullit pineqarnersut immikkoortinneqarsinnaanngillat.

Namminersorlutik Oqartussat kommuninut ataatsimoortumik tapiissutaat naatsorsuinermut malittarisassani ilaatinneqanngillat, tassa tamatumunnga atatillugu apeqqutit, Inatsisartut inatsisaanni § 5 naapertorlugi nalunaarummi maleruagassiorneqarnissaat naatsorsuutigineqarmat.

Ineriartornerup malittarinissaa siunertaralugu siunnersuutigineqarpoq, ukiut tamaasa kommunit aamma Namminersorlutik Oqartussat piffissat siuliini missingersuutaasa

inissisimani pillugit takussutissamik suliaqartoqarlunilu saqqummiussisoqartassasoq. Takussutissaq ilaatigut Aningaasaqarnikkut Ingerlatsineq pillugu Nalunaarummik piareersaanermut, ataatsimut tapiissutit isumaqatiginninniutiginissaannut ukiunullu tulliuttunut ukiumut missingersuutitut aamma aningaasanut inatsisinut atatillugu ilanngunneqarsinnaavoq. Taakkua saniatigut ukiut tamaasa kingusinnerpaamik aprilimi ukiumut aggersumut sinaakkutissat nalunaarutigineqartarput.

Aalajangersakkammi atorunnaarsitaagallartumi § 2, imm. 2 nr. 3-mi aalajangerneqarpoq, ingerlatsinermut nuussisarnermullu aningaasartuutaat tamarmiusut ukiut sisamat ingerlaneranni isertitassatut naatsorsuutigineqartut annerpaamik 93 procentioqusaasut. Aalajangersakkap ilaatigut siunertaraa, illulianik sanaartukkanillu allanik ingerlaavartumik aserfallatsaaliuinermut aamma iluarsagassanut aningaasanik immikkoortitsisoqarnissaa qulakkiissallugu. Suliassat aamma aningaasatigut nanertuutit Namminersorlutik Oqartussat aamma kommunit akornannit agguarnerannik allannguinerit, kiisalu pisortanit ingerlatseqatigiiffinnik pigineqartunik atuinerulernerup malittarisassaq sakkutut naleqqukkunnaarsippaa., Naalakkersuisut nalunaarutikkut aalajangiisinnaasut aningaasanut inatsimmi aserfallatsaaliuinermut aamma iluarsagassanut aningaasanik ingerlaavartumik immikkoortitsisoqartassasoq, taarsiullugu siunniunneqarpoq. Tassunga ilanngullugu aningaasat amerlassusaannik taakkuninnga naatsorsuinermi, naatsorsuinermi tunngaviit sorliit tunngavigineqassanersut Naalakkersuisut aalajangiisinnaapput. Aalajangersakkami kommunit ilaatinneqanngillat, pissutigalugu kommunit namminersortuunerat innimigineqarmat.

Allannguutissat siunnersuutigineqartut kingunerisaannik § 50 atorunnaarsinneqassasoq siunnersuutigineqarpoq.

2.2. Sanaartugassanut Iluarsagassanullu Aningaasaateqarfii

Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersumi §§ 21-24 aalajangersakkat atuuttut atorunnaarsinneqarnissaat aamma Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni ilanngunneqarnissaat siunnersuutigineqarpoq.

Tunngaviusumik allanngortitsinani ingerlatitseqqinneq eqqartorneqarpoq, taamaakkaluartoq aserfallatsaaliuinermut aamma iluarsagassanut aningaasaliissutit, § 13, imm. 4 naapertorlugu immikkoortinneqarsimasut aamma Namminersorlutik Oqartussat Sanaartugassanut Iluarsagassanullu Aningaasaateqarfianut ilanngunneqassasut siunnersuutigineqarpoq.

Taakkua saniatigut, kommunalbestyrelsit kommunimi sanaartugassanut iluarsagassanullu aningaasaateqarfimmik pilersitsinissamut aalajangiisinnaanissaannut tunngavissamik ilanngussisoqarnissaa siunnersuutigineqarpoq. Sanaartugassanut iluarsagassanullu

anigaasaateqarfik taamaallaat missingersuutitut naatsorsuutitullu teknikikkut anigaasaateqarfiuvoq aamma kommunip karsiani ilaavoq. Tamatumani pineqarpoq, anigaasaateqarfik tamatigut pingaarutilinni tamani kommunip karsianut naligiissinneqarsinnaasoq soorlu aamma anigaasaateqarfiup akiliisinnaassuseqarnera kommunip karsiata akiliisinnaassuseqarneranut ilaasoq. Tassalu imaappoq, ernianit isertitat ernianullu anigaasartuutit il. il. kommunip karsianut nakkartarnissaat aamma kommunimi karsimi ernianut anigaasartuutit ernianillu isertitat allat peqatigalugit naatsorsorneqartarnissaat. Taamaallaat missingersuutitut naatsorsuutitullu teknikikkut anigaasaateqarfik eqqartorneqarmat, sanaartugassanut iluarsagassanullu anigaasaateqarfimmi siulersuisunik pilersitsisoqassanngilaq.

Ukiumoortumik missingersuutit tapiissutitut anigaasaliissutit sanaartornermut anigaasaliissutaat, taamaattoqassapput, anigaasaateqarfimmut nuutinneqassapput taamaalillutillu anigaasaateqarfiup isertitaattut nalunaarsorneqarlutik. Anigaasaateqarfiup anigaasartuutai tassaapput sanaartukkatut suliniutit piviusut naammassineqarnerat malillugu akiliutit. Anigaasartuutit naatsorsuutini sanaartugassanut iluarsagassanullu anigaasaateqarfimmi nalunaarsorneqartassapput. Sanaartornermi akigitat nikingassutai pissutigalugit akiliutigineqartut nikingassutai anigaasaateqarfimmit oqimaaqatigiissinneqartassapput. Anigaasaateqarfimmi anigaasartuutikinnerunermi sinneruttut sanaartornermi suliniutit taamaatiinnarneqarnerisa kinguneranik imaluunniit sanaartornermi suliniutini ataasiakkaani anigaasartuutikinnerunermi sinneruttut allat, suliniutip naammassineqarnerani kommunip karsianut utertinneqartassapput. Utertitsinerit taamaattut sanaartugassanut iluarsagassanullu anigaasaateqarfimmi anigaasartuutit aamma ukiumoortumik missingersuummi isertitatut nalunaarsorneqassapput. Suliniutinut ataasiakkaanut katillugu anigaasartuutitut anigaasaliissutigineqarsimasoq manna tikillugu pisarnertut qaangerneqaqqusaanngilaq.

2.3. Kommunit naatsorsuutitik saqqummiussisarnerat

Anigaasaqarnermut ataatsimiititaliap naatsorsuutit kommunalbestyrelsimut tunniunnerani kukkunerisuiusup nassuiaatai ilanngunneqartassasut siunnersuutigineqarpoq. Taamaalilluni kommunalbestyrelse nassuiaateqannginnermini taakku ilanngullugit isumaliutiginissaannut periarfissinneqassaaq.

Allanguutissat siunnersuutigineqartut kingunerisaanik § 43, imm. 1-imi naggat siulleq atorunnaarsinneqassaaq.

2.4. Akiligassanik kinguaattoorutit naatsorsuutitigut nalikilliliinissaat

Kommunip kingusinnerpaamik ukiumoortumik ukiumut naatsorsuuteqarfimmi 2023-mi atuutilersumik kommunip pissarsiassai akilerneqanngitsut nalikillinerisigut nammineq anigaasaatiminik aaqqiinissaanut akuersinissamat Naalakkersuisut piginnaatinneqarnissaat

siunnersuutigineqarpoq. Taamatut nalikilliisoqaraluartoq innuttaasut suliffeqarfiillu kommunimut akiitsuminnik akiliinissaminnut periarfissallit akiliinnginnissaminnut pisussaaffiarneqanngillat.

2.5. Pisortani ataatsimoorluni qarasaasiaqarneq

Ilanngullugu siunnersuutigineqarpoq erseqqissarneqassasoq, Naalakkersuisut kommunit aamma Namminersorlutik Oqartussat pisortani ataatsimoorluni qarasaasiaqarnermi suut atussaneraat pillugu aalajangiinerat, kommunini aamma Namminersorlutik Oqartussani immikkoortunut tamanut atuussinnaasoq, soorlu assersuutigalugu kommuninut taamaallaat imaluunniit kommunit ilaannaanut aamma Namminersorlutik Oqartussanut imaluunniit assigisaanik aammali immikkoortunut aalajangersimasunut qanimut killilerneqarsinnaasoq. Ilanngullugu pilersaarutigineqarpoq Naalakkersuisut aalajangiinerat nalunaarutini malittarisassanit allaanermik atulersinneqarsinnaasoq. Tamanna assersuutigalugu pisinnaavoq naalakkersuisup suliamut akisussaasuusup suliap Naalakkersuisunut saqqummiunneqareernerani, naalakkersuisoqarfini qinnuigigaa aalajangiineq pillugu oqartussaasut attuumassuteqartut nalunaarfigineqassasut.

3. Pisortanut aningaasatigut allaffissornikkullu kingunissat


Siunnersuutip nassatarissavaa, kommunini ukiumut missingersuutini aamma Namminersorlutik Oqartussat aningaasanut inatsisaanni aningaasartuutit annertusiartorneri killilerneqassasut.

Inatsisit atuutilernerannit ukiumi siullermi, t.i. 2023-mi, aallaavittut periarfissaassaaq aningaasartuutit 1 pct.-imik qaffassallugit. Tamanna 2024-mi aallaavittut aamma periarfissaavoq. Tamatumali kingunerisaanik 2025-mi aamma 2026-mi qaffariaat annertusissallugu periarfissaassanngilaq, tassani piffissami 2023-2026-mi qaffariaat ataatsimut annerpaamik 2 pct.-iusinnaammat.

Ataani takussutissiat takutippaat, siunnersuut kommunimi ukiut pingasut ingerlaneranni agguaqatigiissillugu ukiumoortumik 0,7%-imik inuit amerliartornerat qanoq sunniuteqassanersoq. Siunnersuut malillugu ineriartornermut killissarititat tamarmik ima qaffanneqarput $80\% \cdot 0,7\% = 0,56$ pct.

2021-mi¹ ingerlatsinermi aningaasartuutit aallaavigineqarput. Kommunit missingersuutaanni (kiisalu aningaasanut inatsimmi) ukiunut sisamanut missingersuutit tamarmik isigineqarput. 2022-mut missingersuutini ineriartornissamut killiusoq imaassaaq:

¹ Namminersorluni Oqartussani ingerlatsineq siunertani 2-mit 16-imut nassuiarneqarnerini.

Takussutissiaq 4

Takussutissiaq aamma ima takussutissiorneqarsinnaavoq:

Ukiumi ataatsimi qaffariaat

1 pct.

Ukiuni sisamani qaffariaat

2 pct.

Innuttaasut amerliartornerat

0,7 pct. x 80 pct.


Qaffariaataasinnaasoq 2022

1,56 pct.

Qaffariaataasinnaasut sinneri 2022-2025

2,56 pct.

2022-mi qaffariaat 2021-mut naleqqiullugu 1,5 pct.-ippat 2023, innuttaasullu amerliartornerat agguaqatigiissillugu ukiuni 3-ni 0,7 pct.-iuppat, 2023-mi missingersuutininut killiliussaq imaattoq atuutissaaq:


Takussutissiaq 5

Takussutissiaq aamma ima takussutissiorneqarsinnaavoq:

Ukiumi ataatsimi qaffariaat	1 pct.
Ukiuni sisamani qaffariaat	2 pct.
Ukiuni marlunni innuttaasut amerliartornerat (2022 aamma 2023)	2 x 0,7 pct. x 80 pct.
Qaffariaat 2022	1,5 pct.
Qaffariaataasinnaasoq 2023	1,56 pct.
Qaffariaataasinnaasut sinneri 2023-2025	1,62 pct.
Qaffariaataasinnaasut sinneri 2023-2026	2,56 pct.

2022-mi qaffariaat 2023-mut naleqqiullugu 1,5 pct.-ippat, innuttaasullu amerliartornerat agguaqatigiissillugu ukiuni 3-ni 0,7 pct.-iuppat, 2024-mi missingersuutitut killiliussaq imaattoq atuutissaaq:

Takussutissiaq 6



Takussutissiaq aamma ima takussutissiorneqarsinnaavoq:


Ukiumi ataatsimi qaffariaat	1 pct.
Ukiuni sisamani qaffariaat	2 pct.
Ukiuni marlunni innuttaasut amerliartornerat (2022 aamma 2023)	3 x 0,7 pct. x 80 pct.
Qaffariaatit 2022-2023	2 x 1,5 pct.
Qaffariaataasinnaasoq 2024	1,56 pct.
Qaffariaataasinnaasut sinneri 2024-2025	0,68 pct.
Qaffariaataasinnaasut sinneri 2024-2026	1,62 pct.
Qaffariaataasinnaasut sinneri 2024-2027	2,56 pct.

Takussutissiat takutippaat, pissutsini aalajangersimasuni ukiumut missingersuutini imaluunniit aningaasanut inatsimmi qaffariaammut killiliussa tikillugu annertusinissaa, tassunga ilanngullugu innuttaasut amerliartornerat periarfissaqartoq, tamannali ukiuni tulliuuttuni atugassanut sunniuteqassaaq.

Aamma periarfissaassaaq ”sipaarnissaq”, t. i. ukiumi ataatsimi s. i. 0,2 pct.-i qaffariaataalluni kiisalu ukiut pingasuni tulliuuttuni pingasuni qaffariaat qaffakkiartorneqarsinnaalluni, tamatumani isertitat naammaginaruunissaat apeqqaapput.

Takussutissiami matuma kingulianiittumi takutinneqarput piffissami 1995-2019-imi pisortat aningaasartuutaanut qaffariaatit.

Takussutissiaq 7




Agguaqatigiissillugu qaffariaatit qaffariaatinut killissarisaaq siunnersuutigineqartoq piffissap annerpaartaani qaangeqqavaa. Siusinnerusukkuq oqaatigineqarsutut tamatumani inernerisa ilagaat Kalaallit Nunaat nunani avannarlerni nunanut allanut sanilliulluni pisortat ingerlataqarfii annertuumik ingerlatsiveqartoq. Tassunga nassuiaatinut ilaavoq ingerlataqarfii pisariillisaanerit naammassimannginneri tunngaviutinneqarsinnaavoq. Pisortat aningaasartuutaasa qaffariaatinut qummut killigititaq kommuninut aamma Namminersorlutik Oqartussanut ingerlataqarfii pisariillisaanissamut aamma naammassiornerup annertusineqarnissaanut kajumissaarinnermik sakkortunerulersitsivoq. Taamatut pisortat ingerlataqarfii pigissaarnerup qaffanneranut tuniseqataassapput suliassat pitsaanerumik naammassineqartarnerisigut aamma isumalluutiniq atuinerup millisinneqarneratigut. Takussutissiaq 7 takussutissiivoq, pisortat ingerlataqarfii piffissat ilaanni inuiaqatigiinni aningaasaqarnerup annertusiartornerani annertuumik alliarortarnerat nalinginnaasoq, massa piffissani aningaasarsiornerup qaffakkiartornikinnerani alliarortarnerat


appartartuq. Taamaalillutik pisortat ingerlataqarfii ineriartornermi aqquasaagassat pioreersut sakkortunerulerneranut sunneeqataasarput, tamannalu amerlanertigut namminersorlutik imaluunniit pisortat ingerlataqarfiinut naleqqunneq ajorpoq.

Takussutissiani ataaniittuni ersersinneqarput, kommuninut aamma Namminersorlutik Oqartussanut 2017-imit 2021-mut qaffariaatinut naatsorsuinerit, innuttaasuni allannguutit ilanngullugit. Naatsorsuinerit nangaassuteqarluni atuarneqassapput, pissutigalugu suliassat kommuninut nuunneqarsimasut kinguneranik allannguutit tamakkiisumik ilanngunneqarsimanersut qulakkeerneqarsimangimmat, soorlu aamma kontunut pilersaarummi allannguutaasimasut naatsorsuinerit sunniuteqarsinnaasut. Taakkua saniatigut kommunit sanaartugassanut aningaasaateqarfimmik pilersitsinissamut periarfissaqarsimangillat, taamaanneratalu ilaatigut kingunerisimavaa, sanaartugassanut aningaasaliissutit aningaasaliissutigineqaqqissimasut immikkoortinneqarsinnaasimanginnerat. 2021-p naatsorsuinerit ilanngunneqarnissaa periarfissinniarlugu ukiumoortumik missingersuutit aamma aningaasatut inatsit tunngavittut taamaallaat atorneqarsinnaasimapput, massa ilassutit aningaasaliissutit ilanngunneqarsimangitsut.


Takussutissiaq 8




Takussutissiaq 9




Takussutissiaq 10




Takussutissiaq 11



Takussutissiaq 12



Takussutissiaq 13

Pisortani ingerlataqarfinni ukiuni pineqartuni qaffariaatit annertuut piffissami tassani akileraarutinit aamma akitsuutinit isertitat qaffakkiartornerannut ataqatigiissillugit isigineqassapput. Taamatut aningaasaqarnermut politiki (medcyklisk) aningaasaqarnermi allanngorarnerit annerulerneranut sunneeqataasoq ingerlanneqarpoq.

Allaffissornikkut siunnersuutip nassatarissavaa, kommunit Namminersorlutik Oqartussanut paasissutissat attuumassuteqartut nalunaarutigisassagaat taamaasilluni, ukiumoortumik takussutissamik suliaqartoqarlunilu saqqummiussisoqarsinnaassammat.

Namminersorlutik Oqartussat sanaartugaataannik ingerlaavartumik aserfallatsaaliuineranut aamma nutarsaanermut aningaasanik immikkoortitsisoqarnissaanut siunnersuut, aningaasartuutit aningaasaqarnermi ukiunut arlalinnut agguataarneqarnissaannut sunneeqataassaaq aamma piffissaq ungasinnerusoq eqqarsaatigalugu ataatsimut aningaasartuutit millisinneqarnerinik malitseqarnissaa naatsorsuutigineqartariaqarpoq.

Akiligassanik akilernerqarsinnaanngitsunik nalikilliliinissamut akuersissuteqartoqarsinnaaneranut atatillugu kommunit namminneq aningaasaataannik aaqiissuteqarsinnaaneranut ataatsimut takussutissiamik maanna peqanngilaq. Akuersissut pineqartoq kommuninit tamanit pissarsiarineqassappat, naatsorsuutigineqarpoq kommunini nammineq aningaasaatit tamarmiusut 400 mio. kr.-t tikillugit appariarnerannik tamanna nassataqassasoq.

Kommunit Namminersorlutillu Oqartussat pisortat qarasaasiaqarnikkut ataatsimut periusii pillugit § 46 a-p erseqqissaatissaatut siunnersuutigineqartut kingunerisaannik annertunerusumik aningaasartuuteqarnissaat naatsorsuutigineqanngilaq.

4. Inuussutissarsiornermut aningaasaqarnikkut allaffissornikkullu kingunissat

Siunnersuut inuussutissarsiornermut sunniuteqassanngitsoq nalilerneqarpoq.

5. Avatangiisinut, pinngortitamut innuttaasullu peqqissusaannut kingunissat

Inatsit avatangiisinut, pinngortitamut innuttaasullu peqqissusaannut sunniuteqassanngitsoq naatsorsuutigineqarpoq.

6. Innuttaasunut kingunissat

Siunnersuut innuttaasunut sunniuteqassanngitsoq naatsorsuutigineqarpoq, tassani siunissaq ungasinnerusoq eqqarsaatigalugu pisortat aningaasaqarnerat pitsaasoq inuiaqatigiinnut tamanut, matuma ataani innuttaasunut iluaqutaasussatut isigineqarmat.

7. Kingunissat allat annertuut

Inatsit allanik annertuunik kinguneqassasoq naatsorsuutigineqanngilaq.

Inatsisissatut siunnersuummi aalajangersakkanut ataasiakkaanut nassuiaatit*§ 1-imut*

Nr. 1-imut

Imm. 1, allannguutit teknikiunerusutut isikkullit eqqaassanngikkaanni, allanngortinnagit ingerlatseqqinneqarput. Imm. 2-mi imarisaasa isikkuini allannguisoqarpoq. Maannakkut imm. 3-usoq atorunnaarsinneqarpoq. Imm. 3-7 nutaajupput.

Imm. 1-imut

Siunnersuutip imaraa, piffissami ukiuni sisamani kommunit tamarmik ukiumut missingersuutaat aamma Namminersorlutik Oqartussat aningaasanut inatsisaat oqimaaqatigiissasut imaluunniit sinneqartoorfiussallutik.

Maannakkut aalajangersakkami atuuttumi, pisortani ataatsimut aningaasaqarneq oqimaaqatigiissasooq imaluunniit sinneqartoorfiussasooq pillugu piumasaqaat, siunnersuutip kingunerisaanik atorunnaassaaq, tassani naatsorsuineramik taama ittumik suliaqarnissaq teknikikkut ajornakusoortoq paasineqarsimammat.

Peqatigitillugu ukiumut aningaasarsiorfiussamut aggersumut kiisalu ukiunut missingersuusiorfiussamut pingasunut aggersunut aallartittutut aamma ukiunut naatsorsuusiorfiusimasunut pingasunut qaangiuttunut naatsorsuinissamut piumasaqaat atorunnaarpoq. Siunnersuut malillugu ukioq aningaasarsiorfiusooq tulliuuttoq tamatumalu kingorna ukiut aningaasarsiorfiusut tulliuuttut pingasut, missingersuutit oqimaaqatigiinnerannik naatsorsuinermi kisimik ilanngunneqassapput.

Imm. 2-mut

Imm. 2 naapertorlugu missingersuutini oqimaaqatigiinnissamut piumasaqaat naammassineqartutut isigineqassaaq, kommunit ataasiakkaat ukiumut missingersuutaata imaluunniit Namminersorlutik Oqartussat aningaasanut inatsisaanni piumasaqaatit ataani taaneqartut marluk tamaasa eqqortippagit.

Piumasaqaat siulleq tassaavoq, kommunit Namminersorlutik Oqartussallu sanaartornermut, ingerlatsinermut, isertitanut aamma tapiissutinut aningaasaliissutit tamarmiusut amigartoorfiussanngitsut.

Naatsorsuineq ingerlanneqassaaq siunertamut kontunut pilersaarummi siunertaq 2-16 tunngavigalugu, tak. 2021-mut aningaasanut inatsimmuut siunnersuummi qupperneq 4-5-imi 2019-2024-mut siunertani isumannaallisagaasumik naatsorsuutit takussutissartaat.

Siunertamut kontuanut pilersaarut kommuninit aamma Namminersorlutik Oqartussanit atornerqarpoq.

Piumasaqaatit aappaat tassaavoq, kommunip aamma Namminersorlutik Oqartussat ingerlatsinermut ataatsimut aningaasartuutaat ukiumut annerpaamik 1,00 procentimik qaffakkiartussasut, kiisalu ukiut sisamat ingerlanerini ataatsimut annerpaamik 2,00 procentimik qaffassinnaasut. Ukiumi ataatsimi taamaasillutik ingerlatsinermut aningaasartuutit 1,00 procentip tungaanut qaffariarsinnaapput, piffissamili ukiut sisamat ingerlanerinit uuttorlugu qaffariarneq katillugu 2,00 procenti sinnerlugu annertussuseqassanngilaq.

Namminersorlutik Oqartussat aningaasanut inatsisaanni aningaasaliissutit eqqarsaatigalugit aningaasaliissuteqariaatsit imarisai erseqqinnerusut pillugit §§ 4-7 aamma 9 innersuussutigineqarsinnaapput. Kommunit ukiumoortumik missingersuutaat assinganik missingersuutit suussusiinut agguataarneqanngillat, taamaattumillu aningaasartuutinit aningaasaliissutit tamarmiusut ilaatinneqarlutik.

Ukiumoortumik missingersuutini aamma aningaasaqarnermut inatsimmi aningaasartuutit siorna akigitat atorlugit nalunaarsorneqarsimanissaat tunngavigineqarpoq, taamaalilluni ukiuni missingersuiffiusuni aningaasartuutini qaffariaatit tamakkerlutik qaffariaataassapput. Siorna akigitat Kalaallit Nunaanni Naatsorsueqqissaartarfiup januaarimut naleqqussaanermut akinut kisitsisaatai tunngavigalugit naatsorsorneqarput.

”Qaffariaatit” ima paasineqassapput pisortat atuinerannit aamma pisortat aningaasaliineranni qaffariaatit taaginnarlugit nalingi, naleqqussaanermi nalileeriaatsimi ineriartornermut naleqqussarneqarsimasut.

Killigitat qaangerneqannginnissaasa qulakkeernissaa siunertaralugu missingersuutit oqimaaqatigiinnerat akulikitsumik naatsorsorneqartarnissaa pisariaqartinneqassaaq. Ilaatigut ukiumut missingersuutinit aamma aningaasanut inatsisissatut siunnersuummik suliaqarnermut atatillugu naatsorsuinissaq pisariaqartinneqartassaaq, taakku akuersissutigineqarnissaannut atatillugu kiisalu ukioq missingersuusiorfik naagaangat kiisalu ilassutitut aningaasaliissutit akuersissutigineqartut ataatsimut takuneqarsinnaanngorpata.

Imm. 3-mut

Siunnersuutigineqarpoq, imm. 2 malillugu naatsorsuinermit ineqarnermut, inuussutissarsiornermut imaluunniit ataqatigiimmik aqqissuussinernut suliniutinut aningaasaliinerit ilanngunneqassanngitsut, sunniutissanik nalilersuineq malillugu ataatsimut isigalugu inuiaqatigiit aningaasaqarnerannut iluanaarutaasut nalilerneqarpat aamma aningaasaliinerit piviusut taakkua ilanngunneqassanngitsut Inatsisartut

akuersissuteqarsimappata. Inatsisartut akuersinerat s. i. Aningaasanut inatsimmut oqaasertaliussatut imaluunniit oqaasertaliussanut nassuiaatitut Aningaasaqarnermut ataatsimiititaliamit akuerineqarsimasutut isikkoqarsinnaavoq, Inatsisartut aamma Naalakkersuisut pillugit Inatsisartut inatsisaanni § 16, imm. 2 naapertorlugu.

Inatsisartut imaluunniit Aningaasaqarnermut ataatsimiititaliaq akuersissuteqarsimappata, missingersuutit inissisimaneranni naatsorsuinermit ineqarnermut, inuussutissarsiornermut imaluunniit ataqatigiimmik aaqqissuussinernut suliniutinut aningaasaliinerit ilanngunneqassanngitsut, aningaasartuutit akuersissutigineqarsimasut kontumi pingaarnermi immikkut ittumi takuneqarsinnaassapput, taamatut aningaasartuutinit allanit aningaasaqarnermut inatsimmi ilanngunneqarsimasunit immikkoortinneqarlutik.

Ineqarnermut aamma ataqatigiimmik aaqqissuussinernut suliniutinut ilaapput iluarsagassaanik suliniutit aamma sanaartugassat nutaat, taakku Namminersorlutik Oqartussat ataanni naammassineqarneri imaluunniit Namminersorlutik Oqartussat inatsisit naapertorlugit inunnt namminersortunut tapiissutitut tunniussimaneraat apeqqutaatinnagu, ilagalugit ingerlatseqatigiiffiit, Namminersorlutik Oqartussat piginneqataaffiginngisai. Ineqarnermut suliniutitut ilaatigut ilaqutariinnut ataatsinut illulianut, illunut uiguleriiaanut, inissianut, ilinniartunut ineqarfinnut allanullu aningaasaliinerit isigineqarput. Ataqatigiimmik aaqqissuussinerni suliniutitut ilaatigut umiarsualivinni, mittarfinni, innaallagissamik pilersuinermit, ataqatigiinnermit allallu isigineqarput.

Inuussutissarsiornermit suliniutinut ilaapput suliniutini piviusuni, Kalaallit Nunaanni inuussutissarsiornermut tunngaviusunik ineriartortitsinissamik siunertaqartunut aningaasaliinerit.

Aalajangersakkamik atuinissamut inuiaqatigiit aningaasaqarneranni sunniutissanik naliliisoqarsimanissaa piunasaqaataavoq. Maannakkut Inuiaqatigiit aningaasaqarneranni sunniutissanik naliliinermit saqqummiussinissamut ilitsersuut januar 2014-imeersoq naapertorlugu nalilersuineq suliarineqartussaavoq. Sunniutissanik nalilersuinerit ilitsersuut naapertorlugu suliarineqarnissaannut aamma aningaasaqarneranni sunniutissanik piviusorsiorunik innersuussuteqarnissaannut manna tikillugu Aningaasaqarnermut Naalakkersuisoqarfik akisussaavoq.

Inuiaqatigiinnut aningaasaqarnikkut kingunerisassat suliniutini ataasiakkaani immikkut naatsorsorneqartassapput. Suliniut ataaseq suliniutinik immikkoortut arlalinnik imaqartillugu, suliniutit taakku ataatsimoortillugit suliarineqarsinnaapput. Naalakkersuisut taamaalillutik suliniut ataatsimut isigalugu inuiaqatigiit aningaasaqarnerannut pitsaasumik iluanaarutissiisinnaasoq naatsorsuutigineqarpat, suliniummik immikkoortunik arlalinnik,

inuiaqatigiit aningaasaqarnerannut pitsaasumik pitsaanngitsumillu kingunerisassartalimmik saqqummiussisinnaanerminnut mattunneqanngillat.

Piumasaqaataavortaaq, imm. 2 malillugu naatsorsuinermi aningaasaliinernik pineqartunik ilanngussinnginnermi Inatsisartut akuersissuteqarsimanissaat. Siunertarineqarpoq, missingersuutit inissisimaffiannik naatsorsuineq pillugu isertuannnginnissap aamma paasisimasaqarnissap qulakkeerneqarnissaa, ilaatigullu erseqqissarlugu, immikkut ittumik ilanngussinnginneq pineqarmat, aningaasaliinernut annertuunut naatsorsuineranut annertuumik sunniuteqarsinnaasunut atatillugu taamaallaat atorineqartariaqarmat. Sulinermi aningaasaliissuteqarnermut suliamik suliaqarnermut ilanngullugu Inatsisartut isummerfiginninnerannik pissarsisarnissaq naatsorsuutigineqarpoq, t. i. aningaasatut inatsisip suliarineqarneranut imaluunniit tapiissutitut aningaasaliissutinut atatillugu.

Inatsisartut isumaqataappata imm. 2 naapertorlugu naatsorsuineranut atatillugu aningaasaliineq ilanngunneqassanngitsoq, tamanna atuutissaaq aningaasaliinerup naatsorsuineranut pingaaruteqarunnaarnissaata tungaanut, imaluunniit Inatsisartut akuersissummik atorunnaarsitsinissaata tungaanut.

Imm. 4-mut

Procentit annertussusissaat aalajangersakkami imm. 2-mi taaneqartut, ukiunut pingasunut 1. januaari eqqorluarlugu innuttaasut amerliartornerannik Naatsorsueqqissaartarfiup kingusinnerpaamik nalunaarsugaasa agguaqatigiissinnerata 80 pct.-iannik amerlineqarnissaat siunnersuutigineqarpoq. Taamaaliornikkut innuttaasut qaffariaataata aningaasartuuteqarnerusumik nassataqarnissaata naatsorsuutigineqartariaqarnera eqqumaffigineqassaaq. Innuttaasut amerliartornerannut ilaapput nussortut, inunngortut aamma toqusut katinnerat.

2025-mut kisitsisit taamaalillutik piffissami 1. januar 2020-mit 1. januar 2023-mut innuttaasut agguaqatigiissillugu amerliartornerannik qaffanneqassapput.

Innuttaasut ukiut pingasut ingerlaneranni agguaqatigiissillugu s. i. 0,5 pct.-imik amerleriarpata, imm. 2-mi procentit ukiumut aggersumut 1, 4 pct.-imik aamma piffissamut ukiunik sisamanik sivissuseqartumut aggersumut 2,4 pct.-imik qaffarianeqassapput. Naatsorsueqqissaartarfimmit nalunaarsukkat tulliuttut takutippassuk, innuttaasut ukiut pingasut ingerlaneranni agguaqatigiissillugu 1 pct.-imik amerlariarsimasut, imm. 2-mi procentit ukiumut aggersumut 1,8 pct.-imik ukiunullu sisamanut aggersunut 2,8 pct.-imik qaffanneqassapput.

Imm. 5-imut

Procentit annertussusissaat aalajangersakkami imm. 2-mi taaneqartut, ukiunut pingasunut 1. januaari eqqorluarlugu innuttaasut ikiliartorneranik Naatsorsueqqissaartarfiup kingusinnerpaamik nalunaarsugaasa agguaqatigiissinnerata 50 pct.-iannik ikilisinneqarnissaat siunnersuutigineqarpoq. Taamaattorli procentit annertunerpaamik ukiumut 0,25 procentimik annikillineqassapput. Taamaaliornikkut innuttaasut ikiliariarnerata sipaaruteqarnermik nassataqarnissaata naatsorsuutigineqartariaqarnera eqqumaffiginiarneqassaaq. Innuttaasut amerliartornerannut ilaapput nussortut, inunngortut aamma toqusut katinnerat.

2025-mut kisitsisit taamaalillutik piffissami 1. januar 2020-mit 1. januar 2023-mut innuttaasut agguaqatigiissillugu amerliartornerannik qaffanneqassapput.

Innuttaasut ukiut pingasut ingerlaneranni agguaqatigiissillugu 0,4 pct.-imik ikilieriarpata imm. 2-mi procentit ukiumi aggersumi 0,8 pct.-imik ukiuni aggersuni sisamani 1,8 pct.-imik annikilleriassapput. Naatsorsueqqissaartarfiimmit nalunaarsukkat tulliit innuttaasut ukiut pingasut ingerlaneranni agguaqatigiissillugu 1 pct.-imik ikilieriarsimasut takutippassuk imm. 2-mi procentit ukiumi aggersumi 0,75 pct.-imik ukiunilu aggersuni sisamani 1,75-imik annikillieriarneqassapput.

Imm. 6-imut

Aallaavittut isigalugu aningaasaliissutit imm. 2-mi nalunaarsukkani taamaallaat ilanngunneqassapput ukiumi ukiuniluunniit aningaasaliissutit attuumassuteqarfigisaanni. Kommuni ukiumoortumik missingersuutini assersuutigalugu sanaartornermi suliniummut kingusinaartussamut aningaasaliissutinik ilanngussisimappat aningaasaliissutit ukiumi aningaasanut inatsiseqarfiusumi aningaasaliissutit immikkoortinneqarfianni ilanngullugit naatsorsorneqassapput. Kommuni piffissami kingusinnerusukkat aningaasaliissuteqaqqippata atuuttoq aammalu ukiuni tulliuttuni pingasuni procentit atuuttut qaffanneqassapput ukiumi aningaasanut inatsiseqarfiusumik ukiumoortumik missingersuutini atuuttuni aningaasat allasimasut amerlaqataannik. Aningaasaleeqqinneq assersuutigalugu ukiumi tassani ukiumoortumi missingersuutit pineqarfianni 0,2 procentiuppat, procentip qaffasissusai imm. 2, nr. 2-mi 0,2 procentimik qaffanneqassapput.

Taama aaqqiinikkut kommunit Namminersorlutillu Oqartussat aamma ukiut sisamat kingornagut inissisimasinnaasunik aningaasaliinissaq siunertaralugu sipaaruteqarsinnaanerat periarfissaalissaq.

Aalajangersakkami aamma ilaatinneqarput aningaasat ukiumoortumik missingersuutinit imaluunniit aningaasanut inatsisinit 2021-mut ukiunilluunniit aningaasanut inatsiseqarfiusunit siusinnerusunit nuunneqartut. Naalakkersuisut Inatsisartut inatsisaanni § 5 naapertorlugu ilaatigut aningaasanik taamaattunik nalunaaruteqarnissaq, nalunaarsuinissaq

uppernarsaanissarlunniit pillugit malittarisassanik erseqqinnerusunik aalajangersaasinnaapput.

Imm. 7-imut

Pisortani ingerlataqarfik ukiuni makkunani allanngoriartorpoq, tassani pingaartumik suliassat maannamut Namminersorlutik Oqartussanit paarineqarsimasut kommuninut nussorneqarlutik. Suliassat agguataarnerini allannguinermit atatillugu suliassanik tunniussisup aningaasartuutai appariartarput, suliassanillu tiguisisuni aningaasartuutit qaffariartarlutik. Qulakkeerniarlugu, aalajangersakkap siunnersuutigineqartup allannguutit taamaattut akornusissanngikkai, siunnersuutigineqarpoq, suliassanik tiguisisumut tassungalu atatillugu aningaasanik tiguisisumut, ukiumi aningaasanut inatsiseqarfiusumi pineqartumi tulliuttunilu ukiuni pingasuni procentit annertussusiat ukiumi aningaasanut inatsiseqarfiusumi ukiumoortumik missingersuutaasut aningaasanullunniit inatsimmi aningaasat amerlaqataannik amerlineqarnissaat siunnersuutigineqarpoq. Taamaaqataanik suliassanik tunniussisup procentit malitai ukiumi aningaasanut inatsiseqarfiusumi ukiumoortumik missingersuutini aningaasanullunniit inatsisini allassimasut amerlaqataannik ikilineqassapput.

Nr. 2-mut

Imm. 1 nutaavoq. Imm. 2 maannamut imm. 1-imi pingaarnertut assigai, kisianni teknikkkut naleqqussarneqarsimavoq.

Imm. 1-imut

Siunnersuutigineqarpoq, Naalakkersuisut ukiut tamaasa februaarip naannginnerani kommuninut tamanut aamma Namminersorlutik Oqartussanut missingersuutit inissisimanerini naatsorsuinermit suliaqartassasut taassuminngalu saqqummiussisassasut. Naatsorsuineq saqqummersinneqannginnerani Aningaasaqarnermut Siunnersuisoqatigiinnut nalilersugassanngorlugu tunniunneqassaaq.

Naatsorsuut siullermik ukiumut aningaasanut inatsiseqarfiusumut 2022-mut tunngassaaq 2023-milu saqqummiunneqassalluni. Nr. 1-imi aalajangersakkamut siunnersuut atuuttussaamat, naatsorsuinermit ukiut amerlanerusut ilaassapput, taamaasillutik 2026-mi saqqummiussinermi ukiut sisamat eqqarsaatigineqartut ilaassallutik.

Imm. 2-mut

Aalajangersagaq pingaarnerusutigut § 4-mik maannamut atuuttumik ingerlatseqqinneruvoq, tassa ukiumut aningaasanut inatsiseqarfiusumut siusinnerusumut nalunaarsukkat maanna atorunnaarmata imm. 1-imilu malittarisassiorneqarlutik. Nutaatut, naatsorsuutini saqqummiussinissaq sioqqullugu kommuninut oqaaseqaateqarfigineqartussanngorlugit saqqummiunneqartarnissaat siunnersuutigineqarpoq.

Nr. 3-mut

Siunnersuut § 2, imm. 2, nr. 3-mi piumasagaatip ingerlatsinermut nuussisarnermullu aningaasartuutaat tamarmiusut ukiut sisamat ingerlaneranni isertitassatut naatsorsuutigineqartut annerpaamik 93 procentiisut annertutigisinnaanerata atorunnaarsinneqarneranut atatillugu isigineqassaaq. Atorunnaarsitsinermi, aningaasanut inatsimmi illulianik aserfallatsaaliuineranut aamma iluarsagassanut aningaasaliissutit ikinnerusut immikkoortinneqartalernissaanut aarlerinartoq ilaatigut annertunerulersippaa.

Siunnersuut, ukiut tamaasa Namminersorlutik Oqartussat illuutaanik aalaakkaasunik, sanaartugaataanik pigisaanillu nalilinnik soorlu umiarsuarnik ingerlaavartumik aserfallatsaaliuinissamut aamma iluarsaassinissamut aningaasaliissutinik immikkoortitsinissamut nalunaarutikkut aalajangiinissamut periarfissiivoq. Assersuutigalugu sanaartugassanut aningaasartuutinik nutaanik akuersissuteqarnermi, aningaasaqarnermi ukiuni tulliuuttuni sanaartukkanut aningaasartuutit procentimik ilaannik sanaartukkannik aserfallatsaaliuinissamut aamma pitsannorsaaniissamut immikkoortitsisoqartarnissaa pillugu malittarisassanik aalajangersaasoqarsinnaavoq. Aningaasaliissutit Sanaartugassanut Iluarsagassanullu Aningaasaateqarfimmut aningaasaliissutigineqassapput pisariaqartitsinerlu malillugu akiliutigineqartassallutik.

Nalunaarut pissutsit apeqqutaallutik aamma illuutinik, sanaartukkanik aamma pigisanik nalilinnik pisoqaanernik ilaqarsinnaavoq. Taamaattoq naatsorsuutigineqanngilaq, aningaasaliissutit, nalunaarut taamaattoq malillugu immikkoortinneqarsinnaasut, suliassaqaarfimmi annertuumik aserfallatsaaliuinermi kinguaattoorujussuarsimasuni s. i. ineqarnermi suliassaqaarfimmi pisariaqartitanik tamakkiisumik matusinissamut naammassasut. Pisuni taamaattuni suli saniatigut aningaasaliisoqarnissaa pisariaqartinneqassaaq.

Piginnaatitsineq Naalakkersuisunut malittarisassani atulersinneqarsimasuni illuutit, sanaartukkat aamma pigisat nalillit isikkuini, pisoqaassusaanni il. il. assigiinngitsut akornanni immikkoortitsinissamut periarfissiivoq, soorlu aserfallatsaaliuinerit iluarsagassallu akornanni aamma immikkoortitsisoqarsinnaasoq.

Nr. 4-mut

§ 14-imut

Aalajangersakkat pingaarnertut Namminersorlutik Oqartussat missingersuutaat pillugit Inatsisartut Inatsisaannit allanngortinnagit ingerlateqqinneqarput, taamaattoq

siunnersuutigineqarpoq, Namminersorlutik Oqartussat sanaartugaataannut ingerlaavartumik aserfallatsaaliuinnermut aamma iluarsaassinnermut aningaasaliissutit immikkoortinneqarsimasut Sanaartugassanut Iluarsagassanullu Aningaasaateqarfimmut aningaasaliissutigineqassasut, siunnersuummi § 14, imm. 2, nr. 2 (siunnersuummi nr. 3) naapertorlugu.

Sanaartugassanut iluarsagassanullu aningaasaateqarfiup kinguneraa, aningaasaqarnermi ukiut akornanni sanaartornermi akigititat nikingassutaat pissutigalugit akiliutigineqartut nikingassutaat aningaasaateqarfimmit naligiilersinneqartarnissaat, taamaalillunilu ilassutitut aningaasaliinnermi inatsimmut atatillugu aningaasanut inatsisissatut siunnersuummi imaluunniit aningaasanut inatsimmi naleqqussaanernik tekniskiusunik aningaasaleeqqinnissanik amerlasuunik kinguneqaratik.

Aningaasaateqarfiup aammattaaq sanaartugassanik suliassaqarfimmik ajornaannerusumik aamma paasiuminarnerusumik aningaasanik aqutsineq ajornarunnaarsissavaa. Ilutigalugu anguniarneqarpoq, aningaasaateqarfiup sapinngisaq tamaat, Namminersorlutik Oqartussat sanaartugassanik ingerlatai ingerlaavartumik sanaartugassanut suliassaqarfimmi naammassineqarsinnaasunut naleqqussarneqartarnissai qulakkeertassagai.

Sanaartugassanut iluarsagassanullu aningaasaateqarfik taamaallaat missingersuutinut naatsorsuutinullu teknikikkut aningaasaateqarfiuvoq aamma Nunatta Karsiani ilaavoq. Tamatumani pineqarpoq, aningaasaateqarfik tamatigut pingaarutilinni tamani Nunatta Karsianut naligiissinneqarsinnaasoq, soorlu aamma aningaasaateqarfiup akiliisinnaassuseqarnera Nunatta Karsiata akiliisinnaassuseqarneranut ilaasoq. Tamatumani aamma pineqarpoq, ernianit isertitat ernianullu aningaasartuutit il. il. Nunatta Karsianut nakkartarnissaat aamma Nunatta Karsiani ernianut aningaasartuutit ernianillu isertitat allat peqatigalugit naatsorsorneqartarnissaat. Taamaallaat missingersuutinut naatsorsuutinullu teknikikkut aningaasaateqarfik eqqartorneqarmat, sanaartugassanut iluarsagassanullu aningaasaateqarfimmi siulersuisunik pilersitsisoqassanngilaq.

Sanaartugassanut aningaasaliissutit ataanni Aningaasanut inatsisip aningaasartuutai aningaasaateqarfimmut nuunneqassapput taamaalillutillu aningaasaateqarfiup isertitaatut nalunaarsorneqassallutik. Aningaasaateqarfiup aningaasartuutai tassaapput sanaartukkatut suliniutit piviusut naammassineqarnerat malillugu akiliutitut. Aningaasartuutit naatsorsuutini sanaartugassanut iluarsagassanullu aningaasaateqarfimmi nalunaarsorneqartassapput. Sanaartornermi akigititat nikingassutaasa kingunerannik akiliutigineqartut nikingassutaat aningaasaateqarfimmit naligiilersinneqartassapput.

Aningaasaateqarfimmi aningaasartuutikinnerunermi sinneruttut sanaartornermi suliniutit taamaatiinnarneqarnerisa kinguneranik imaluunniit sanaartornermi suliniutini ataasiakkaani aningaasartuutikinnerunermi sinneruttut allat, suliniutip naammassineqarnerani Nunatta

Karsianut utertinneqartassapput. Utertitsinerit taamaattut sanaartugassanut iluarsagassanullu aningaasaateqarfimmi aningaasartuutitut aamma aningaasanut inatsimmi imaluunniit ilassutitut aningaasaliissutitut inatsimmi isertitatut nalunaarsorneqassapput. Suliniutitut ataasiakkaanut katillugu aningaasartuutitut aningaasaliissutigineqarsimasoq manna tikillugu pisarnertut qaangerneqaaqusaanngilaq.

§ 15-imut

Naalakkersuisoq, Naalakkersuisut Siulittaasuata aalajangersagaannit piginnaatinneqartoq, aningaasaateqarfimmut najoqqutassanik missingersuutitut aamma aningaasaliinermut tunngasunik aalajangersaassaaq, ilagalugit naatsorsuutitut tunngasunik nalunaaruteqartarneq.

§ 16-imut

Aalajangersakkami Naalakkersuisoq, Naalakkersuisut Siulittaasuata aalajangersagaannit piginnaatinneqartoq, aningaasaateqarfimmik ingerlaavartumik aqutsinermut ingerlatsissasoq aalajangersarneqarpoq.

§ 17-imut

Aalajangersakkami Naalakkersuisut Sanaartugassanut iluarsagassanullu aningaasaateqarfimmi ingerlatat pillugit Inatsisartunut ukiumoortumik nalunaarusiortassasut aalajangersarneqarpoq. Nalunaarusiaq suliniutit ataasiakkaat killiffiini aningaasartuutit isertitanillu naatsorsuutitut nalunaarsorneqarsimasunut nalunaarsuutit imaqarpoq. Aammattaaq nalunaarsuummi, suliniutini sorliit nutaajunersut, ingerlasuunersut, naammassineqartuunersut unitsinneqarsimasuunersulluunniit takuneqarsinnaassapput.

Saniatigut siunnersuutigineqarpoq, nalunaarusiaq suliniutit suussusaannut aamma suliniutitut eqimattakkaanut immikkoortiterneqassaaq ima, nutaamik pissarsinissamut aningaasaliissutit aamma aserfallatsaaliuinerit iluarsagassanullu aningaasaliissutit akornanni immikkoortitsisoqarluni. Siunertarineqarpoq pigisanik nalilinnik pioreersunik aserfallatsaaliuinerit iluarsaassinissamullu aamma pigisanik nalilinnik nutaanik pisinissamut aningaasat qanoq amerlatigisut immikkoortinneqarsimanersut erseqqissarneqarnissaa.

Nr. 5-imut

Aalajangersagaq nutaavoq.

Kommunalbestyrelsit kommunimi sanaartugassanut iluarsagassanullu aningaasaateqarfimmik pilersitsinissamut aalajangiisinaanissaannut pisinnaatinneqassapput. Sanaartugassanut iluarsagassanullu aningaasaateqarfik taamaallaat missingersuutitut naatsorsuutinullu teknikikkut aningaasaateqarfiuvoq, kommunip karsiani ilaasoq. Aningaasaateqarfik

pingaarutilinni tamani kommunip karsianut ilaavoq, soorlu aamma aningaasaateqarfiup akiliisinnaassuseqarnera kommunip karsiata akiliisinnaassuseqarneranut ilaasoq. Tamatumani aamma pineqarpoq, ernianit isertitat ernianullu aningaasartuutit il. il. kommunip karsianut nakkartarnissaat aamma kommunimi karsimi ernianut aningaasartuutit ernianillu isertitat allat peqatigalugit naatsorsorneqartarnissaat.

Ukiumoortumik missingersuutit tapiissutitut aningaasaliissutit sanaartornermut aningaasaliissutaat taamaattoqassapput aningaasaateqarfimmut nuutinneqassapput taamaalillutillu aningaasaateqarfiup isertitaattut saqqummerlutik. Aningaasaateqarfiup aningaasartuutai tassaapput sanaartukkatut suliniutit piviusut naammassineqarnerat malillugu akiliutitut. Aningaasartuutit naatsorsuutini sanaartugassanut iluarsagassanullu aningaasaateqarfimmi nalunaarsorneqartassapput. Sanaartornermi akigititat nikingassutai pissutigalugit akiliutigineqartut nikingassutai aningaasaateqarfimmit naligiilersinneqartassapput. Aningaasaateqarfimmi aningaasartuutikinnerunermi sinneruttut sanaartornermi suliniutit taamaatiinnarneqarnerisa kinguneranik imaluunniit sanaartornermi suliniutini ataasiakkaani aningaasartuutikinnerunermi sinneruttut allat, suliniutip naammassineqarnerani kommunip karsianut utertinneqartassapput. Utertitsinerit taamaattut sanaartugassanut iluarsagassanullu aningaasaateqarfimmi aningaasartuutitut aamma ukiumoortumik missingersuummi isertitatut nalunaarsorneqassapput. Suliniutinut ataasiakkaanut katillugu aningaasartuutinut aningaasaliissutigineqarsimasoq manna tikillugu pisarnertut qaangerneqaqqusaanngilaq.

Aalajangersakkami aalajangerneqarpoq, aningaasaqarnermut ataatsimiititaliaq Sanaartugassanut iluarsagassanullu aningaasaateqarfimmi ingerlatat pillugit kommunalbestyrelsimut ukiumoortumik nalunaarusiortassasoq, ilagalugit suliniutinut nutaanut, suliniutinut ingerlasunut aamma naammassineqarsimasunut imaluunniit suliniutinut taamaatiinnarneqarsimasunut, taama tulleriillutik, immikkut killiffiit. Nalunaarusiaq suliniutit ataasiakkaat killiffiinik aningaasartuutinik isertitanillu naatsorsuutinut nalunaarsorneqarsimasunut nalunaarsuutinik imaqarpoq.

Nr. 6-imut

Siunnersuutigineqarpoq, § 42, imm. 1-imi nr. 1-imik nutaamik ikkussisoqarnissaa, tamatuma kingorna aningaasaqarnermut ataatsimiititaliaq kommunalbestyrelsimut naatsorsuutinik saqqummiussinerani kukkunersiuisut naatsorsuutinut nassuiaataat ilaatinneqartassapput. Taamaalilluni kommunalbestyrelse naatsorsuutinut nassuiaateqarnissamut pitsaanerusumik tunngavissaqalissaaq, soorlu aamma suliap ingerlasarnera naalisarneqassasoq.

Nr. 7-imut

Aalajangersagaq nutaavoq.

Kommuni kingusinnerpaamik 2023-mi ukiumoortumik naatsorsuutinit atuutilersumik nammineq aningaasaatimi kommunip pissarsiassaanik akiligassanik akilerneqanngitsunik nalikilliliisinaanermut Naalackersuisut akuersinissamut piginnaatinneqarnissaat siunnersuutigineqarpoq.

Akuersissummi ilaatinneqarsinnaanngillat pissarsiassat piffissami nalikilliliinermi sivikinnerpaamik ukiuni marlunni akiligassaasimasut.

Taama akuersissuteqarnissamut atugassarititaasunik piumasqaatinillu erseqqinnerusunik Naalackersuisut aalajangersaasinnaapput, tassungalugu ilanngullugu akiligassat qanoq ittut akuersissummi ilaatinneqarsinnaanersut aalajangersarlugu.

Nr. 8-mut

Siunnersuut, siunnersuummi nr. 6 malitsigivaa, taanna § 42, imm. 1-ip allanngortinneqarnissaannut attuumassuteqarpoq.

Nr. 9-mut

Imm. 1 nutaavoq, massa imm. 2 aamma 3 pingaarnertut maannakkut aalajangersakkamut assingusut.

Imm. 1-imut

Siunnersuutigineqarpoq Naalackersuisut Pisortat qarasaasiaqarnikkut ataatsimut ingerlatsinerannut siulersuisunit inassuteqarfigineqarnermikkut aammalu kommunit tusarniaaffigereernerisigut qarasaasiat suut pisortani ataatsimoorussatut isigineqassanersut kiisalu qarasaasiat sorliit pisortani ataatsimoorussatut kommunit aamma Namminersorlutik Oqartussat atussaneraat aalajangiiffiginissaanut pisinnaatitaassat.

Aalajangersakkamik atuinissamut piumasqaataanngilaq Namminersorlutik Oqartussat aamma kommunit tamarmik qarasaasiaq pineqartoq atussagaat. Naammaginarpoq, Naalackersuisut qarasaasiaq pisortani ataatsimoorussatut isigippassuk assersuutigalugu kommuninit tamanit, kommunit ilaannit imaluunniit kommunit aalajangersimasut ilaannit aamma Namminersorlutik Oqartussanit atorneqassasoq naammaginarpoq.

Qarasaasianik pisortani ataatsimoorussamik pisinissamik aalajangiisoqarpat, Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaanni malittarisassat naapertorlugit pisineq ingerlassaaq.

Imm. 2-mut

Siunnersuutigineqarpoq, kommunit aamma Namminersorlutik Oqartussat suleqatigiiffimmik pisortat ataatsimoorlutik qarasaasianik pisaarnissamut, ingerlatsinerneq ineriartortitsinerneq suliaqartussamik pilersitsissasut nalunaarummik atulersitsinissaminut Naalakkersuisut pisinnaatitaassasut.

Pisinnaatitsissummi ilaatigut ilaapput aqutsinerneq pissutsit pillugit malittarisassanik aalajangersaasinnaaneq, piunarsaatit malillugit qarasaasiat sorliit pisortani ataatsimoorussatut isigineqassanersut, taamatullu suleqatigiiffiup akisussaaffeqarfiata ataanut atallutik, qanoq suleqatigiiffiup aningaasartuutai kommunit aamma Namminersorlutik Oqartussat akornanni agguarneqassanersut, suleqatigiiffik kommunit aamma Namminersorlutik Oqartussanit avataanni allanut sullissilluni suliaqarsinnaanersoq il.il.”

Malittarisassat imarisai aalajangersarneqarsinnaapput kommunit aamma Namminersorlutik Oqartussat akornanni oqaloqatigereernerit kingorna.

Suleqatigiiffik nutaaq pingaarnertut suliaqarfiit tulliuttut pingasut immikkut suliaqarfiginiarpai:

- a. Qarasaasianik nutaanik ikkussuineq, atuisunik aqutsineq, ilinniartitsineq aamma atuisunik ikiuineq.
- b. Atuinermik pitsanngorsaaneq, pisariillisaaneq, aqutsisunut paasissutissat minnerunngitsumillu ataatsimut piunarsaatinik nalunaarsuinerit aamma neqerooruteqartitsinerit isumaqatigiissuteqarnerillu suliarineqarnerinik pisortani suleqatigiiffinnut ikiuunneq.
- c. Ingerlatsinerneq suliaqarneq pillugu isumaqatigiissusiorneq aamma ataatsimoorussanik pisortat aqqiissutaanik ingerlatsinerup atorunnaarsinneqarnerinut atatillugu apeqqutinik teknikimut tunngasunik suliaqarneq.

Nr. 10-mut

§ 2-mi aamma § 4-mi , kiisalu §§ 14-17 allannguutissatut siunnersuutit kingunerisaannik, §§ 49 aamma 50 atorunnaarsinneqassasoq siunnersuutigineqarpoq.

§ 2-mut

Siunnersuutigineqarpoq Inatsisartut inatsisaat 1. januar 2022 atuutilissasoq inatsisillu atuutilerneranit ukiumoortumik missingersuutitut aningaasanullu inatsisinut akuersissutigineqartunut atuulluni, t.i. siullermik 2023-mut ukiumut missingersuutitut aamma aningaasanut inatsimmut.

Inatsisip atuutilernerani Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersumi §§ 21-24 atorunnaarsinneqassapput. Taamatullu inatsit tamakkerluni atorunnaarsinneqarsimassalluni.

Taakkua saniatigut siunnersuutigineqarpoq, 2023-mut § 2, imm. 2, nr. 2-mi naatsorsuutit killiffii taaneqartut aningaasaqarnermi ukiuni sisamani tulluuttuni kommunit tamanut aamma Namminersorlutik Oqartussanut, kommunit ukiumoortumik missingersuutaat aamma Namminersorlutik Oqartussat 2021-mut Aningaasaqarnermut inatsisaat ilassutitullu aningaasaliissutit 1. januar 2022 sioqqullugu akuerineqarsimasut tunngavigalugit ukiumoortumik missingersuutit imaluunniit aningaasanut inatsit akuerineqarsimasut 1,50 procentimik ilaassuserlugit killigitat aalajangerneqassapput. Naalakkersuisoq taanna Naalakkersuisut Siulittaasuata erseqqinnerusumik aalajangersaaneratigut tamatumunnga piginnaatinneqartoq, 2022-mi apriilip naannginnerani naatsorsuutitut suliaqassaaq.

Kommunit naatsorsuinerup inerneranik takkuppataq piaarnerpaamik nalunaarfigineqassapput.

Ilanngussaq 1

Oqartussaasunik kattuffinnillu il. il. tusarniaaneq

Siunnersuut ulloq 8. december 2020 Namminersorlutik Oqartussani naalackersuisoqarfinnut tamanut, kommuninut tamanut, Sulisitsisunut, SIK-mut aamma NUSUKA-mut tusarniaassutitut nassiuqqarpoq, tusarniaanermi killiliussaavoq ulloq 8. januar 2021.

Aalisarnermut, Piniarnermut Nunalerinermullu Naalackersuisoqarfimmit, Qeqqata Kommunianit, Naalackersuisut Siulittaasuata Naalackersuisoqarfianit, Peqqissutsimut Naalackersuisoqarfimmit, Avannaata Kommunianit, Sulisitsisunit, Kommune Kujallermit, Deloittemit, Kommune Qeqertalimmit, Kommuneqarfik Sermersuumit, Kultureqarnermut, Ilinniartitaanermut Ilageeqarnermullu Naalackersuisoqarfimmit aammalu Ineqarnermut Attaveqatigiinnermullu Naalackersuisoqarfimmit tusarniaanermut akissutit tiguneqarput.

Siunnersuut aammattaaq piffissami 7. juunimit 2. juulimut 2001 tusarniaanermi peqataasunut taakkununga tusarniutigineqarsimavoq.

Ataani tusarniaaffigisat oqaaseqaataanni immikkoortut pingaarnerit allaatsimik nalinginnaasumik allanneqarput, Naalackersuisut oqaaseqaataat allaatsimik kipungasumik allanneqarlutik.

Aappassaaneertumik tusarniaaneq

Siunnersuut tusarniaanerup ilaatigut piffissami 8. decembari 2020-mit 8. januaari 2021-mut sivitsorneqarnerata nalaani allannguutit kingunerannik nutaamik tusarniutigineqarsimavoq piffissami 7. juunimit 2. juuli 2021-mut. Tusarniaanermi Kommune Kujalleq, Kommuneqarfik Sermersooq, Qeqqata Kommunianit, Kommune Qeqertalik, Avannaata Kommunianit, Sulisitsisut, S.I.K., EY, BDO, Deloitte, Grønlands Revisionskontor, Nunatsinni Advokatit aamma Namminersorlutik Oqartussani Naalackersuisoqarfiit tamarmik ilaasimapput.

Tusarniaanermi peqataasut oqaaseqaataanni pingaarnerit nalinginnaasumik naqinnilerlugit ilanngunneqarsimapput, massa Naalackersuisut oqaaseqaataat uingasunik naqinnilerlugit allanneqarsimasut.

Ineqarnermut, Attaveqatigiinnermut, Naligiissitaanermullu Naalackersuisoqarfik siunnersuivoq, § 13, imm. 4-p oqaasertaliornera erseqqissarneqassasoq, immikkoortup piviusumik suna imarineraa ersersinniarlugu.

Siunnersuut ilanngunneqarpoq.

Naalackersuisoqarfik saniatigut siunnersuivoq § 17, imm. 2-p oqaasertaliornera allanngortinneqassasoq.

Siunnersuut ilanngunneqarpoq aamma aalajangersagaq erseqqissarneqarpoq.

Avannaata Kommunia naliliivoq, qaffariaatinik killiliineq kommunimi Meeqqanut, ilinniartitaanermut, ilaqtariinnermut aamma teknikikkut suliassa qarfinni kiisalu sanaartukkanik suliassa qarfimmi ingerlatsinermi ajornartorsiutit annertuut aaqinnissaat ajornalissasoq. Atugarissaarnerup ineriartortinnissaanut sinneqartooruteqassappat aamma inissaqartinneqassappat alliliisoqassaaq, tamatumali kingunerissavaa siunissami suli aningaasartuuteqarnissaq.

Aammattaq Avannaata Kommuniata aningaasaatiminik naatsorsuutini oqimaatigiissitsinissaq imaluunniit sinneqartoornissaq pillugu killissanik nammineq aqutsinissaq kissaatigaa.

Avannaata Kommunia kommunit sinneri peqatigalugit ataatsimut pisortat ingerlataqarfiinut ilaapput annertuut. Taamaammat pingaaruteqarpoq, Namminersorlutik Oqartussanut piumasagaatigineqartut assinganik kommunit naammassinninnissaat, pisortat aningaasartuutaasa ineriartornerat pineqartillugit. Maannamut pisortat aningaasartuutaanni qaffariaatit annertuut pisortat ingerlataqarfiisa annertuut ineriartornerannik tunngavilersuisimapput. Naalackersuisut pisortat ingerlataqarfiisa nutarternissaat anguniakkamik ilaattut isigaat taamatullu minnerulernissaannut tunngavissanik pilersitsinissaq. Tassunga aqutit ilaat ataaseq tassaavoq pisortat ingerlataqarfiisa alliarbornerannut killissanik aalajangiinissaq. Killissat nutaat pisortat ingerlataqarfiini immikkoortortani tamani aningaasartuutininik tulleriiarinissaq pillugu piumasagaateqartut Naalackersuisut eqqumaffigaa. Pisortat ingerlataqarfiinik allanngortitsinissaq sakkortuumik tulleriiarinertaqanngitsumik pinaviannigilaq, tamatumaa soorlu ilaatigut kingunerissavaa suliassa qarfiit ilaanni sipaartoqartarnissaa, suliassa qarfiit allat aningaasanik amerlanernik aningasaliiffigineqassappata. Naggataatigut tulleriiarinernut akisussaaffik soorunami politikeriniippoq, massa pisortat ingerlataqarfiini tamani apequtigineqartussaasoq, aningaasartuutit sorliit pisariaqarpat aamma sorliit siparneqarsinnaappat. Suleqatigiiffiit amerlasuut ukiuni aggersuni allannguutit piorsarsimassutsikkut allanngornerit misigissagaat ilimanarpoq. Suleqatigiiffinni annerusuni piorsarsimassutsikkut allanngornerit naammassinissaat artornarajuttarpoq, kisianni aamma innuttaasunut suliffeqarfinnullu sullinneqartunut, nammineq suliassa qarfimmi ineriartortoqarnera akulikitsumik suleqatigiiffinnut peqqinnartuusarpoq pitsaasuullunilu. Siunnersuut kommunit nammineq aqutsineranut akuliunnerunngilaq. Kommunit ataatsimoortumik tapiissutinik aningaasanik tigusartakkaminnik imaluunniit akileraarutininik isertitaminnik maanna tikillugu pisarnertut aalajangiiffigisussaavaat.

Kommune Qeqertalik oqaaseqarpoq, § 2, imm. 5-imi inatsisip oqaasertaani nutaami, aalajangersakkamut oqaaseqaatini naatsorsuinermit assersuullu naleqqutinngitsut. Siunertarineqarpat procentit qaffasissusaat annerpaamik 0,25 procent pointinik millisinneqarsinnaassasut taava tamanna inatsisissatut siunnersuummi takuneqarsinnaasariaqarpoq.

Siunnersuut ilanngunneqarpoq.

§ 2, imm. 6-imi aalajangersakkamut siunertarineqartoq erseqqissarneqartariaqarpoq. Immikkut ”anigaasat” aalajangersakkami naammattumik nassuiaaserneqarsimangilaq.

Aalajangersakkamut siunertaavoq kommunit aamma Namminersorlutik Oqartussat aningaasaliinernut annernut sipaagaqarnissaannut periarfissiinissaq. Kommuni s. i. qarasaasianik 40 mio. kr.-nik akilinnik pisiniarniarluni kissaateqaruni, taava kommuni s. i. tassunga ukiut tamaasa ukiuni sisamani 10 mio. kr.-nik aningaasaliissuteqarsinnaavoq. Aningaasartuut atsaat ukiut sisamassaanni akilerneqarpat, taava aningaasartuutit taakkua, ukiuni 1-3 ukiumoortumik missingersuutini ilanngunneqarsimasut, taamaallaat ukiuni naatsorsuiffiusuni pineqartuni, missingersuutit inissisimanerannik naatsorsuinermit ilaatinneqassaaq. Taamatut 30 mio. kr.-it taakkua ukiuni 1-3 aningaasaliissutigineqarsimasut ukiut sisamassaanni missingersuutit inissisimanerannik naatsorsuinermit ilanngunneqassangillat.

Naalackersuisut kommuninik isumaqatiginninniaratik kommunit missingersuutaannut killissanik aalajangiinerat naleqquttuosorineqanngilaq. Tassani missingersuutinut killissat aalajangerneqarnerani kommunit peqataatinneqarnerannik suleriaatsimik qulakkeerinnittoq eqqunneqartariaqarpoq.

Siunnersuut ilanngunneqarpoq, ima kommunit imm. 2-mi naatsorsuinerup saqqummersinneqarnissaa sioqqullugu oqaaseqarnissaannut periarfissinneqassapput. Taamaattoq tassani naatsorsuinerit pineqarput, taamaammallu tassani tunngaviusumik isumaqatiginninniartoqarnissaa inassutigineqarani.

Qeqertalik Kommunip § 20 a-mi aningaasaateqarfimmut taaguut paatsiveerunnartippaa.

Taaguut ”naatsorsuutitigut teknikikkut aningaasaateqarfik” assinganik Namminersorlutik Oqartussat Sanaartugassanut Iluarsagassanullu Aningaasaateqarfia pillugu aamma Piffissaq ungasinnerusooq eqqarsaatigalugu aningaasaliissuteqarnissaannut Aningaasaateqarfik pillugu atornerqarpoq. Tassani taaguutit naleqqussarneqarluarsimasut pineqarput, allannortinnissaallu naleqqutinngitsuulluni.

Saniatigut eqqarsaatigineqarsinnaavoq aningaasartuutit tunngavilimmik naatsorsuutit nuunnissaq naleqqunnerussanersoq, tassani suliniutit oqimaaqatigiissitsinermit toqqaannartumik nalunaarsorneqartarput.

Allanguineq taamaattoq immikkoortortanut naatsorsuutit nalunaarsuisunut annertuumik piumasagaatinik qaffaassaaq. Saniatigut immikkoortortani naatsorsuutit nalunaarsuisuni sulisut peqqissaartumik piareersarnissaannik ilinniarnissaannillu piumasagaateqassaaq. Maannakkut piffissami taamatut alloriarnissaq naleqqutinngitsutut isigineqarpoq.

Suli kissaatigineqarpoq, Akileraartarnermut Aqutsisoqarfiup pisassanik akiliisitsiniarneq sallitissagaa, massa taakku naatsorsuutitigut siunnersuutigineqartoq § 42 a malillugu nalikilliliivigineqaraluartut.

Naalackersuisut tassani isumaqataapput.

Naalackersuisut aalajangersagaq malillugu malittarisassanik aalajangiinermi kommuninik peqataatitsinissaat pillugu § 46 a-mi pisussaaffimmik ilanngussisoqartariaqarpoq. Imm. 3-mi paasissutissanut akisussaaffik kommuninit imaluunniit Namminersorlutik Oqartussanit suleqatigiiffimmut tunniunneqarsinnaaneramik aalajangiisoqarsinnaanera qanoq isumaqartinneqarnerisooq paasiuminaappoq. Paasissutissanut akisussaasutut atuuffik suleqatigiiffimmut tunniunneqarsinnaappat tamanna Kalaallit Nunaanni inummut paasissutissat pillugit inatsimmi malittarisassanut kattutsitissinnaasutut isikkoqannigilaq. Taarsiullugu ataatsimoortumik paasissutissanik akisussaaffeqarneq pillugu periaatsip atorneqarnissaa siunnersuutigineqarpoq.

Tusarniaaneri pillugit isumaqatigiissutit atuuttut ilaatigut malillugit, nalunaarutit atulersinneqarnissaat sioqqullugu kommunit tusarniaanermut akissuteqarsinnaapput. Tamanna ilaatigut Pisortani ataatsimoorussamik aningaasaqarnermut aamma sulisoqarnermut allaffissornikkut IT atorlugu periaaseq pillugu Namminersorlutik Oqartussat nalunaarutaat nr. 9, 24. juli 2019-imeersumut atuuttumut atatillugu atuuppoq.

§ 46 a, imm. 3 atorunnaarsinneqarnissaa pillugu siunnersuut ilanngunneqarpoq.

Qeqqata Kommunia siunnersuuteqarpoq, §2, imm. 2., nr. 2-p kinguneramik qaffariaatinik killiliineq inatsisissatut siunnersuummit peerneqassasoq. Qeqqata Kommuniata siunnersuummut tunngavigaa, killiliineq arlalinnik pissuteqarluni naleqqutsinngitsooq: Siunnersuutip ilaatigut nalinginnaasumik kinguneraa, Kalaallit Nunaanni inuiaqatigiit ataatsimut isigalugu pisortani ingerlataqarfii atugarissaarnermi pisartakkat tunniunneqarneri politikerit aamma innuttaasut qaffasissutsimut kissaataannut naleqquttumik

ineriartortitsisinnaassanngitsut. Siunnersuutip ilaatigut aalajangersimasumik kinguneraa, kommunit, innuttaasut amerlassusiata qaffakkiartornerannik nalaanneqartut, innuttaasut ataasiakkaarlugit pisartakkat annertussusaannik millisitsisariaqassasut. Kommunit innuttaasa amerlassusiisa allanngornerat tunngavigalugit naleqqussaannermut iluarsiiisutitut siunnersuutigineqartoq aaqqissuulluagaanngilaq.

Saniatigut Qeqqata Kommuniata aamma maluginiarpaa, inatsimmi § 2, imm. 2, nr. 1-ip tamakkiisumik Kalaallit Nunaanni pisortat ingerlataannik piujuartitsisumik ineriartortitsinermik qulakkeerinnittoq.

Soorlu qulaani inatsisissatut siunnersuummik tusarniaanermut siullermut oqaaseqaatini allanneqarsimasoq, siunnersuummi procentit annertussusaat aallaavigineqarsimapput, taakku Inatsisartunit 2016-imi akuerineqarsimapput, pissutigalugu ukiumut piviusumik qaffariaatsip annerpaartaa taamaattoq 1,5 pct.-imit 1 pct.-imut millisinneqarnissaa siunnersuutigineqarpoq.

2003-mit ataatsimut ukiumut aningaasartuutini agguaqatigiissillugu ukiumut piviusumik qaffariaat 1,00 pct.-ip missaaniissimavoq. Siunnersuummi qaffariaatsip taassuma affaannangortinneqarnissaa anguniarneqarpoq. Qulaani taaneqareersutut tassunga pissutaavoq pisortat ingerlataqarfiiisa annertussusaannik millisaanissamut pisariaqartitsineq. Kalaallit Nunaanni pisortat ingerlataqarfii, allaat nunani avannarlerni pissutsinut naleqqiullugu annertunerujussooreerput taamaammallu ingerlataqarfimmi ineriartornerup killilernerneqarnissaa pisariaqarpoq taamatullu namminersorlutik ingerlataqartut ineriartornissaannut pitsaanerusumik periarfissiisoqarluni.

Inuiaqatigiit katitigaaneranni allannguutit ukiuni makkunani atuuttut aggersunilu atuuttussat, pisortat ingerlataqarfiiisa ilaannik ineriartortitseqqinnissamik pisariaqartitsissapput. Taakku ilaatigut peqqinnissaqarfiup utoqqarnillu suliassaqarfiup iluani atuupput. Killiliinerit siunnersuutigineqartut, pisortat ingerlataqarfiiisa ilaannik ineriartortitsinissaq aamma innuttaasunut suliffeqarfinnullu atugassarititaasunik pitsannguinnissaq pillugu politikikkut aalajangiinernik pinngitsoortitsinaviannngillat. Piffissap killilikkap iluani pisortat ingerlataqarfiiisa ilaanni annertuumik allannguuteqarnissaaq aamma periarfissaqassaaq. Allannguinerup taamaattup kisianni kingunerisinnaava, pisortani aningaasartuutit qaffariarnissaannut killigittatut aalajangersakkat eqqortinneqassappata, pisortat ingerlataqarfiiisa allat iluanni sipaarniartoqarnissaa.

Pisortat sullissinerannik pisariaqartitsineq piviusumik naassanngitsuuvoq. Pisortat aaqqiissutaanni, illuutaanni imaluunniit allani pitsanngorsaanissamik imaluunniit alliliinissamik pisariaqartitsinngitsoortoqarunannngilaq, naammattumik aningaasaliissuteqartoqarpat. Pisarnertut qitiusumik politikikkut suliassaavoq aningaasat

killillit atorsinnaasat tulleriiaartariaqarneri, taamatut pitsaanerpaamik atornerqarsinnaaqullugit pisortat ingerlataqarfiiinnaanniingitsoq, kisiannilu nuna tamakkerlugu iluaqutaasumik, ilagalugit pingaaruteqarluinnartut namminersorlutik ingerlataqartut, tassani aningaasaqarnikkut nalit pilersinneqartarput. Kommunit ukiumoortumik missingersuutaasa aamma Namminersorlutik Oqartussat aningaasanut inatsisaata oqimaaqatigiinnissaannut imaluunniit sinneqartoornissaannut piumasaqaat, pisortat ingerlataqarfiisa ineriartornerannik millisitsinissamut naammannaviannigilaq. Ineriartornermut anguniakkamik aalajangiinissaq aamma pisariaqarpoq, piffissap ingerlanerani ataatsimut aningaasaqarnermi pisortat ingerlataqarfiisa ilaata millisinneqarnissaanut.

Tusarniaaneq § 2, imm. 5-imut siunnersuutip erseqqissarneqarnissaanut periarfissiisimavoq, taamaalilluni aalajangersagaq aaqqissuulluagaanerusutut isikkoqalersillugu. Aalajangersakkami imm. 4 aamma 5 ataatsimut kommunit innutaasa amerlassusaanni allannguutininik sillimaffiginnipput.

§ 4 paasineqarsinnaavoq, kommunit 2020-mut naatsorsuutaat naliliiffigineqassasut piffissami 2017-2020-mi aamma missingersuutininut piffissami 2021-2024-mi angusat aqutugalugit, piviusumik ukiut arfineq-pingasut piffissaq nakkutilliiffiulluni. § 4-mi amigaatigineqarpoq missingersuutit sorliit ilanngullugit naatsorsorneqassanersut, imaappa s. i. missingersuutit kommunalbestyrelsimit 2019-imi missingersuutininut piffissami 2020-mi akuerineqarsimasut aamma ukiuni pingasuni siuliini missingersuutit imaluunniit ukiumut tapiissutinik aningaasaliissutit kingorna inaarutaasumik missingersuutit? Aamma § 4, imm. 2-mi s. i. missingersuutit 2022 aamma ukiuni missingersuiffiusuni 2023-2025 pineqarpat?

§ 4-mi naatsorsuinerit missingersuutit kisiisa tunngavigalugit ingerlanneqarput. Taamatut naatsorsuinermi naatsorsuutini pissutsit ilanngunneqanngillat. § 4, imm. 1-imi naatsorsuineq, kommunit ukiumoortumik missingersuutaannik ilagalugit tapiissutitut aningaasaliinerit aamma Namminersorlutik Oqartussat aningaasanut inatsisaannik ilagalugit tapiissutitut aningaasaliinerit ilaqarput. Assinganik § 4, imm. 2-mi naatsorsuinerit kommunit ukiumoortumik missingersuutaannut ilagalugit tapiissutitut aningaasaliinerit aamma Namminersorlutik Oqartussat aningaasanut inatsisaannut ilagalugit tapiissutitut aningaasaliinerit killissarititaasunut attuumassuteqarput.

Naatsorsuutitigut teknikikkut aningaasaateqarfinnut malittarisassat erseqqissarneqarnissaat kissaatigineqarpoq.

Pingaaruteqarpoq eqqumaffigissallugu, naatsorsuutitigut teknikikkut aningaasaateqarfiit inatsisit naapertorlugit inuttut namminersortuunngimmata nammineq siulersuisullit il. il.. Kommunit sanaartugassanut iluarsagassannullu aningaasaateqarfimmik pilersitsinissamut

periarfissinneqarnissaat pillugu siunnersuummi siunertarineqarpoq sanaartugassanut iluarsagassanullu aningaasaliissutit aqunneqarneranik pisariillisaanissaq. Aningaasaateqarfii pingaarutilinnut tunngasuni tamani kommunip karsianut ilaapput soorlu aamma aningaasaateqarfik kommunip akiliisinnaassuseqarneranut ilaasoq. Tamanna ilaatigut ima paasineqassaaq ernianit isertitat aamma ernianut aningaasartuutit il. il. kommunip karsianut nakkartassasut aamma kommunip karsiata ernianut aningaasartuutaanut aamma ernianit isertitaanut allanut ilanngullugit naatsorsorneqartassasut. Aammattaaq kommunalbestyrelsit tassaapput aningaasaateqarfimmi aningaasanik atuisinnaasut.

Suliniutit, naammassineqanngitsut imaluunniit missingersuutinit annerusumik minnerusumilluunniit aningaasartuuteqarluni naammassineqartut, missingersuutini allannguutitut nalunaarsorneqartassapput, taamatullu ingerlatsinermi kontukkut naleqqussarneqartassallutik. Assinganik aningaasaliinermut attuumassuteqartumik siunnersuutigineqarpoq, AR-imi sulinitit akornanni aningaasanik nuussisinnaaneq periarfissinneqassanngitsoq, kisianni sanaartugassanik suliniutinut aningaasaliissutini allannguutit ingerlatsineq aqutugalugu naammassineqartassasut, taamatut allannguutit inerneru ingerlatsinermi nalunaarsorneqartassallutik annerusumik missingersuuteqarnissamut pisariaqartitsineq ilutigalugu.

Kommunit Namminersorlutik Oqartussallu naatsorsuutaat pillugu nalunaarummik atulersitsisoqarnissaa naatsorsuutigineqarpoq. Tassunga atatillugu eqqarsaatigineqarpoq Sanaartugassanut Iluarsagassanullu Aningaasaateqarfiup ingerlanneqarneranut malittarisassat allat kommunit aningaasaqarnermut ataatsimiititaliaannut inissinneqassasut.

§ 42-mi qaqugu naatsorsuutit saqqummersinneqassanersut piffissaliisoqartariaqarpoq aamma ulloq taanna ukioq naatsorsuutinut piffissap kingorna maajip naannginneranut inissinneqarnissaa siunnersuutigineqarpoq.

Malittarisassat taamaattut pisuni eqqortinneqanngiffiini ajornartorsiortitsisinnaapput, ilagalugit pisut kommunit unioqquitsinermut pisuuffiginngisaanni. Tamanna eqqarsaatigalugu piffissaliinermut malittarisassanik aalajangiisoqannginnissaa naleqqunnerusutut isigineqarpoq.

Pisassarisat akilerneqarsinnaanngitsutut nalilikkat, apeqqutaatinnagu qanoq pisoqaatiginerat, killigititamut 2023-mi naasussamut atatillugu nalikilliliivigineqarsinnaannginnerat naleqqutinngitsutut isigineqarpoq. Ilutigalugu assinganik akilersuutit qaffakkiartornerannut iluarsiisummik siunissami nassaartoqartariaqarpoq. Taamaammat siunnersuutigineqarpoq, siunissami akilersuutit akilerneqarneri aningaasartuutaasut Namminersorlutik Oqartussat tamakkiisumik utertittagassaat.

§ 42 a-tut siunnersuummut siunertarineqarpoq iluarsiiissummik ajornaannerusumik suliariuminarnerusumillu eqquassinissaq. Iluarsiissut pisassarisat sorliit akilerneqarsinnaanngitsutut isigineqarnersut isummernissamut kinguneqartut isumalluutininik pisariaqartitsinermik annertunerusumik atuiffiussapput.

Akilersuutininik ajornartorsiutinut iluarsiiissutaagunannigilaq Namminersorlutik Oqartussat akiligassanut tamanut annaasanullu akiliisussatut pisussaatinneqarnissaat. Tamanna naatsorsuutitigut sipaaruteqarniaannarluni iliuusaassaaq. Suleqatigiissitaliortoqarsimavoq, sammisamut tassunga iluarsiiissutaasinnaasunik oqallisiginnittussanik. Suleqatigiissitap suliani ukioq manna naatinnagu naammassisimassagaa naatsorsuutigineqarpoq.

§ 46, imm. 2, pisariaqanngitsutut isikkoqarpoq, pissutigalugu pisortani ataatsimoorluni qarasaasiaqarnermi suleqatigiiffik pioreermat, taamaammat isumaqarpugut, imm. 2 siunnersuummit peerneqassasoq. Qeqqata Kommuniata pingaartippaa, ingerlatsinerup aamma ineriartortitsinerup immikkoortinneqarnissaat ima, pisortani ataatsimoorluni qarasaasiaqarnermi ingerlatsinermi suleqatigiiffik pioreersoq ingerlaannassasoq taamaallaallu ingerlatsinermik suliaqassasoq, massa ineriartortitsinermik suliniutinik nutaanik ineriartortitsinermut pitsaanerussasoq suliniutinut nutaanut ataasiakkaanut suliniutinut suleqatigiinnik suliniummik naammassinnittussamik pilersitsisoqartarneratigut.

Aalajangersagaq pisortani ataatsimoorluni qarasaasiaqarneq pillugu tunngavissamik pilersitsivoq aamma siunissami pilersitsissaaq tamatumalu kinguneranik pisariaqarluni. Apeqqummut pisortani ataatsimoorluni qarasaasiaqarnermi ingerlatsinermi suleqatigiiffimmi siunissami suliassanik aqqissuussineq pillugu siulersuisutut pilersinneqartuni naleqqunnerusumik oqallisigineqarsinnaavoq. Pisortani ataatsimoorussamik aningaasaqarnermut aamma sulisoqarnermut allaffissornikkut IT atorlugu periaaseq pillugu Namminersorlutik Oqartussat nalunaarutaat nr. 9, 24. juli 2019-imeersumi § 3 naapertorlugu siulersuisut suliassaata ilaatigut suleqatigiiffiup suliamut tunngatillugu suliassaqarfii pillugit apeqqutit tamakkerlutik ilaapput.

Siullermeertumik tusarniaaneq

Avannaata Kommuniata, Kommune Kujalliup, Kommuneqarfik Sermersuup, Kommune Qeqertaliup siunnersuutigaat pisortat ingerlatsiviini ineriartornermut killiliisoqassanngitsaq. Killiliussassatut siunnersuutigineqartoq naapertuutinngilaq, tassa atugarissaarnissamut tapiissutit qinikkat innuttaasullu kissaataannut naapertuuttunngortillugit pisortat ingerlatsivii qaffasissutsimut ineriartortinneqarsinnaanngimmata.

Kommunit naliliipput ineriartorneq killilerneqarpat tamatuma kingunerissagaa ilaatigut meeqqanut, ilinniartitaanermut isumaginninnermullu suliassaqarfiup iluani unammilligassat

annertuut aaqiiiviginissaannut periarfissaqassanngimmat. Atugarissaarneq kissaatiginartutut naammaginartutullu isigineqarsinnaasumik ineriartortinneqarsinnaassappat tamanna Kalaallit Nunaanni siunissami ingerlatsinermut sanaartornermullu annertuumik aningaasaliiffiusariaqassaaq.

Pisortat aningaasartuutaasa sukkulluunniit oqimaaqatigiinnissaannik sinneqartoorfiunissaannilluunniit piumasaqaatip attanneqarsinnaasumik ineriartornissaq qulakkiissagaa kommunit isumaqarput. Taamaalilluni ineriartornerup procentiata killileqqinnissaa pisariaqartinneqanngilaq.

Taamaaqataamik ineriartornerup killissaa akuerineqassappat Namminersorlutik Oqartussat suliniutinik annertunerusunik aallartitsisinnaassanngillat.

Procentit annertussusissai Inatsisartunit 2016-imi akuerineqartut siunnersuummi aallaavigineqarput, taamaattorli ineriartornerup ukiumoortumik annertussusissaa 1,5 pct.- imit 1 pct.-imut annikillisinneqarnissaa siunnersuutigineqarluni.

Ukiumoortumik aningaasartuutit tamarmiusut ineriartornerisa ukiumoortumik agguaqatigiissillugu annertussusia 1,0 pct.-imiippoq. Siunnersuutip nassatarisaanik taama inerikkiartornerup affaannanngortinnissaa siunniunneqarpoq. Tamatumunnga siuliani oqaatigineqareersutut pissutaavoq pisortat ingerlatsinerata annikillisarneqarnissaanik pisariaqartitsineq. Kalaallit Nunaanni pisortat ingerlatsinerat nunani avannarlerni pissutsit malillugit annertoreerpoq, taamaattumillu ingerlatsiviup killilersornissaa pisariaqarluni, taamaalillunilu namminersorlutik ingerlatsiviit ineriartortinnissaannut tunngavissat pitsaanerulersinneqarlutik.

Innuttaasut katitigaanerata allannguuteqarnera ukiuni makkunani atuuttoq ukiunilu aggersuni atuuttusaaq pisortat ingerlatsiviisa ilaanni ineriartortitseqqinnissamut pisariaqartitsissaaq. Tamatumani ilaatigut pineqarput peqqinnissaqarfik utoqqarnullu suliassaqarfik. Pisortat ingerlatsineranni immikkoortut taakku ilaasa ineriartortinnissaat pillugu naalakkersuinikkut aalajangiinissamut killilersuutitut siunnersuutigineqartut akimmisaartissanngilaat aammalu innuttaasunut suliffeqarfinnullu atugassarititaasut pitsanngoriaateqartissallugit. Pisortat ingerlatsiviisa ilaanni piffissami killilimmi pingaarutilinnik allannguinerup nassatarisinnaavaa pisortat aningaasartuutaanni inerikkiartortitsinermut killilersuutitut aalajangersarneqartut malinneqassappata pisortat ingerlatsiviisa ilaanni sipaaruteqarnissaaq.

Pisortat kiffartuussinikkut sullississutaannik pisariaqartitsineq annertuvoq. Pisortat aaqqissuussinerat, illuutaat allalluunniit aatsaat aningaasanik naammattunik tapiiffigineqarunik ineriartortinneqarsinnaallutillu annertusarneqarsinnaapput. Aningaasat

atorneqarsinnaasut killillit pingaarnersiornissaat naalakkersuinikkut qitiusumik suliassajaannarpoq, taamaalilluni taakku pisortat ingerlatsineranni taamaallaat pinnani aammali inuiaqatigiit ataatsimut isigalugit, tassunga ilanngullugu namminersorlutik ingerlatsisunut aningaasatigut nalilinnik pilersitsiviusunut pingaaruteqangaartunut iluaqutaasumik atorneqarsinnaaqullugit. Kommunit ukiumoortumik missingersuutaasa Namminersorlutillu Oqartussat aningaasanut inatsisaasa oqimaaqatigiissaarnissaannik amigartooruteqarfiunissaannilluunniit piumasaqaat pisortat ingerlatsinerisa ineriartornerata annikillissarnissaanut naammassanngilaq. Aammattaaq ineriartornermut piffissap ingerlanerani pisortat ingerlatsiviisa aningaasaqarnermit tamarmiusumit pissarsiarisartagaannik annikillissutaasussanik anguniagassanik aalajangersaanissaq pisariaqarpoq.

Aammattaaq kommunini innuttaasunik amerliartorfiusuni ineriartortitsinissamik pisariaqartitsineq eqqumaffiginiarneqanngilaq.

Kommunip aningaasartuutaasa tamarmiusut ineriartornerat siunnersuutigineqartut killilerneqassappat, tamatuma kingunerissavaa kommuni innuttaminik amerliartortitsisoq innuttaasunngortussanut ilaatigut atuarfinnik suliffeqarfinnillu nutaanik sanaartorsinnaananilu ingerlatsisinnaassanngimmat, taamaalillunilu inuiaqatigiinni atugarliorneq kommunimit iliuseqarfigineqarsinnaananani siunissami ukiuni amerlasuuni atuutissalluni.

Tusarniaanermut akissut tunngavigalugu malittarisassat ilanngunneqarput ilaatigut innuttaasut amerlassusiata allannguutaannik eqqumaffiginninnissamut periarfissiisunik. § 2, imm. 3-6-imut siunnersuut takuuk.

Tamatuma saniatigut Kommune Kujallermit aamma Qeqqata Kommunianit oqaatigineqarpoq missingersuutit amigartooruteqarfiunnginnissaannik siunnersuut sanaartornermi suliassat ukiut akornini nuunneqarnissaannut missingersuusiornissaq periarfissiinngitsoq, tassa piffissami missingersuusiortifiusumi ukiumut ataatsimut arlalinnulluunniit missingersuutit tamarmiusut amigartooruteqarfiunatik ilanngunneqarsinnaassanngimmata - taamaattoqassaaq naak ukiumi naatsorsuuseriffiusumi siuliani kommunip sinneqartoorutaasa missingersuutitigut amigartoorutitik tamakkiisumik matussutaasinnaagaluartut.

Taamaattumik sanaartornermut missingersuutitik ukiunut tulliuttunut nuussinissamut atatillugu kommunit Namminersorlutilli Oqartussatut naatsorsuutitigut periarfissaqarnissaat pisariaqarpoq.

Siunnersuut ima allanngortinneqarpoq aningaasat siunnersuummi § 2, imm. 2-mi nalunaarsukkami ilaatinneqartut taamaallaat ukioq taanna aningaasaliissutigineqarneranni ilanngullugit naatsorsorneqarsinnaassasut. Taamaalilluni aningaasat atorneqanngitsut

ukiumit aningaasanut inatsiseqarfiusumit ukiumut allamut aningaasanut inatsiseqarfiusumut nuunneqartut aningaasaliissutinut ilassutitulluunniit aningaasaliissutinut ilanngunneqaqqinnerminni procentit killissaasa qaffannerannik nassataqassapput. Taamaalilluni s. i. ukiuni isertitaqarfiusuni kingusinnerusuni aningaasaliissutissat amerlineqarnissaat siunertaralugu ilaatigut sipaaruteqarnissamut periarfissaqalissaaq.

Kommunit Namminersorlutillu Oqartussat naatsorsuutaat pillugit nalunaarutissami kommunit Namminersorlutik Oqartussatulli naatsorsuutiminni sanaartormermit aningaasaliissutinik ukiunut tulliuttunut nuussinissamut periarfissaqalissapput.

Tamatuma peqatigisaanik immikkut ittunik pingaarutilinnik aningaasartuuteqarnissaq periarfissiissutigineqassaaq, s. i. namminersortut akiitsullit immikkut ittunik nalikilliliinerat, tassunga ilanngullugit meeqqanut akilersuutit kommunip nammineq aningaasaataani toqqaannartumik nalikilliivigalugit missingersuusiorneqarsinnaassapput.

Kommunit innuttaasuni suliffeqarfinnilu pissarsiassat annertuut nalunaarsorpaat. Pissarsiassat taakku ilarpassui akilernerqarsinnaanngitsutut isigineqartariaqarput, taamaattumillu kommunini naatsorsuutitigut nalikillilernerqartariaqarlutik. Taamatut nalikilliliinermit innuttaasut suliffeqarfiillu periarfissaqartillutik kommuninut akiitsuminnik akiliinnginnissamut pinngitsuutinneqassanngillat.

Pissarsiassanik nalikilliliinerit nalinginnaasumik ingerlatsinermut naatsorsuutini suliarineqartarput. Kommunini maanna pissarsiassat akilernerqarsinnaanngitsunik nalikilliliinerit annertussusissaattut naatsorsuutigineqartut eqqarsaatigalugit, taamatut periuseqarneq ukiumi ukiuniluunniit ingerlanneqarfiini annertuumik amigartooruteqarnermik nassataqaratarsinnaapput. Taamaattumik tamanna siunertaralugu siunnersuummi periarfissiissutigineqarpoq kommuni ataaseq ataasiarluni pissarsiassat akilernerqarsinnaanngitsut nammineq aningaasaatitigut nalikilliliinissamut Naalakkersuisunit akuerineqarsinnaassasoq.

Assingusumik pisoqaqqinnissaa pitsaaliorniarlugu kommunit Namminersorlutillu Oqartussat naatsorsuutaat pillugit nalunaarutissami siunniunneqarpoq, kommunit Namminersorlutillu Oqartussat innuttaasunit suliffeqarfinnillu pissarsiassaminnik ingerlatsinermikkut ingerlaavartumik nalikilliinissaannut piumasaqaatit pillugit malittarisassat ilanngunneqassasut.

Kommune Kujalleq, Kommuneqarfik Sermersooq aamma Kommune Qeqertalik isumaqataapput qarasaasiaqarnikkut periutsit assersuutigalugu kommuninit taamaallaat atorneqartut pisortat ataatsimut periusiattut isigineqassasut, soorluttaaq periutsit kommuninnit

ataasiakkaanit Namminersorlutik Oqartussat peqatigalugit taamaallaat atorpeqartut aamma taama isigineqassasut.

Siunnersuummi § 46 a, imm. 1 aamma 2 naleqqiullugu Kommune Kujalleq isumaqarpoq suliassaqarfimmi nalunaarut atuuttoq oqaasertani takuneqarsinnaasariaqartoq imalu oqaasertalerneqarluni:

”Pisortat qarasaasiaqarnikkut ataatsimut periusiannik aqutsinermut siulersuisut inassuteqarnerisa aammalu kommunit tusarniarnerisa kingorna ima aalajangersinnaapput:

1. Qarasaasiat sorliit pisortatigoortumik ataatsimut periutsitut isigineqassanersut, aamma
2. Qarasaasiat sorliit pisortatigoortumik Kommuninit Namminersorlutillu Oqartussanit atorpeqassanersut

Imm. 2 missingiummi taaneqartutut iluseqassaaq.”

Siunnersuut § 46 a, imm. 1-imi ilanngunneqarpoq

Deloitte Namminersorlutik Oqartussanut kommuninillu pingasunut kukkunerisuisutut pisortat aningaasaqarnerannik attaneqarsinnaasumik qulakkeerinninnissap pingaaruteqarnera isumaqatigaa.

Deloitte isumaqarpoq taaguutit aalajangersakkani ilaatinneqartut ersarinnerusumik nassuiarneqarnissaat pisariaqartinneqartoq, taamaalilluni nalunaarsuinermi tunngavigisamik allanngueratarsinnaaneq annikillisinniarlugu.

Siunnersuut ilanngunneqarpoq, taamaalilluni § 2 tassungalu aamma tassunga nassuiaatit erseqqissarneqarlutik.

Namminersorlutik Oqartussani kommuninilu aningaasaliissutinik taaguutit assigiinngitsut atorpeqarnerat Deloittemit erseqqissaatigineqarpoq.

Ilumoorpoq kommunit Namminersorlutik Oqartussat assigalugit aningaasaliissuteqariaatsit agguataarineq atunngimmassuk. Tamannali kommunit aningaasaliissutaat (ingerlatsinermut aningaasaliissutaat) tunngavigalugit nalunaarsuisinnaanermut akorngutaanngitsutut isigineqarpoq.

Sanaartornermut aningaasaliissutit aningaasaatitigut aningaasaliissutinik ilaqarpata, tamanna akerlianik isumaqarpoq, Namminersorlutik Oqartussat IST-mi nalunaarsugaat nalunaarsukkami aamma ilanngullugit naatsorsorneqassasut, tamannalu tulluurtutut

isigineqanngilaq - tamatumalu peqatigisaanik kommuninut sanilliullugu allaanerussutaassalluni, tamatumani sanaartornermut aningaasartuutit ullumikkut aningaasaatitigut aningaasaliissutinik ullumikkut ilaqarnatik.

Siunnersuummi IS-mi tunngavik aningaasanut inatsimmi atorineqartoq aallaavigineqarpoq. Tamanna kommunit eqqarsaatigalugit pitsaangitsumik kinguneqarsorineqanngilaq, naak taakku periutsip assinga atunngikkaluaraat.

Nalunaarsukkani nuussinerit ilanngunneqassanersut ilanngunneqassannginnersulluunniit erseqqissarneqartariaqarpoq. Oqaatigineqarpoq nuussinerit nalunaarsukkami ilaatinneqarpata tamanna kommuninut ukiumit ukiumut nuussinissamut maanna periarfissaqanngitsunut allaanerussasoq.

Siunnersuut ilanngunneqarpoq. Takuuk § 2, imm. 3-6. Aammattaaq kommunit sanaartornermut aningaasaliissutinik nuussisinaanerat pillugu siuliani taaneqartut innersuussutigineqarput.

Ukiunut arlalinnut atuuttussavinnik missingersuusiortoqarnissaanik naatsorsuutiginninnermik siunnersuut tunngaveqarpoq - tamannalu uagut misilittagarinngilarput. Kommunit missingersuutaat qivaraanni ukiut missingersuusiortufiusut ukiumoortumik missingersuutit amerlaqatiginngikkunikkit taakkuninnga siumut naatsorsuinerupput. Aammattaaq ilassutitut aningaasaliissutit aammalu atuinerussutit/atuinikinnerussutit eqqumaffiginiarneqanngillat.

Ilassutitut aningaasaliissutit ukiup tulliani februaarimi nalunaarsukkani ilaatinneqartarnissaat siunertarineqarpoq. Taamaalilluni aningaasaliissutit aningaasanut inatsimmi ukiumoortumilluunniit missingersuutini ilaatinngeriarlugit kingornagut taakku ilassutitut aningaasaliissutitut suliarineqarnissaannik piumasaqaatitut aalajangersakkami killilersuinerit avaqqunnissaannut periarfissaqanngilaq.

Ilumoorpoq kommunini Namminersorlutillu Oqartussani ukiuni missingersuusiortufiusuni siumut nalunaarsukkat pisariitsuusarmata. Taamatulli siumut nalunaarsukkat aamma isumaqarnarsinnaapput kommuni Namminersorlutilluunniit Oqartussat killilersukkanik qaangeeratarsinnaasut, taamaalillutillu ukiup tullissaanut ukiumoortumik missingersuutinik aningaasanulluunniit inatsisissamik suliaqarnerminni inerikkiartornerup qanoq annikillisissinnaanera tigussaasumik isummerfigisariaqarlugu. Malittarisassat nutaat atuutsinneqalernerat pillugu siuliani taaneqartut innersuussutigineqarput. Naak ukiunut arlalinnut missingersuusiortoqanngikkaluartoq, pisortat ukiumi ataatsimi 0,5 %-imik atuinerunerata ukiumi tulliuuttumi atorineqarsinnaasut Takussutissiaq 3-5-imi takutinneqartut sunniuteqarfigissavai. Taamaattumik ukiunik sisamanik killiliussaq piffissap ingerlanerani pisortat atuinerannut killiliissaaq.

Aningaasaliissutigineqanngitsunik annerusumik minnerusumilluunniit atuinerit aningaasaliissutiginiissaasa eqqumaffiginiarneqannginnerat pissutaalluni isertitat aningaasartuutilluunniit siumut isigineqariinngitsunik allannguuteqaraluartulluunniit missingersuutit sulii malinneqarsinnaassapput. Taamaalilluni nalunaarsueriaaseq atugarliornissanut attanneqarnerulersinneqarpoq.

Deloitte naliliivoq missingersuutit kingumoortumik nalunaarsorneqartarnerata siuarterratigut kingusinnerusukkut allanngueterarsinnaaneq annertusissagaa, tassa kommunit Namminersorlutillu Oqartussat februaarip naanerani ukiumoortumik naatsorsuutit pitsaassusiannik qulakkeerinninnermik naammassinnissimanissaat maanna naatsorsuutigineqarsinnaanngimmat.

§ 2-mik allannguutissaattut siunnersuutigineqartup nassatarissavaa naatsorsuutit tunngavigalugit nalunaarsuisoqarsinnaajunnaassammata. Nalunaarsukkani taamaallaat ilaatinneqarput ukiumoortumik missingersuutit, aningaasanut inatsisit ilassutitullu aningaasaliissutit akuerineqartut.

Innuttaasut agguataarnermikkut ineriartorneranni aaqqiissutit nalunaarsukkani ilaatinneqarpassinngillat. Tamanna innuttaasut agguataarnermikkut ineriartorneranni aaqqiinnermi tunngavigineqartunik ataasiakkaanik pinngitsoortinneqarsinnaavoq/-sinnaasariaqarpoq.

Siunnersuut ilanngunneqarpoq. Takuuk § 2, imm. 3 aamma 4.

Sulisitsisut (GE)

Pisortat aningaasartuutaasa ukiumoortumik annertunerpaamik amerliartornissaat 1,5%-imit 1,0 %-imut appartinneqarnera aallaaviatigut pitsaasutut isigineqarpoq, taamaattorli tamatuma kommunit ilaanni inerikkiartorsinnaanermut ineriartortitsisinnaanermullu qanoq sunniuteqarsinnaanera aammalu tamatuma nassatarisaanik najukkani inuussutissarsiornermik ingerlataqartunut sunniutissai ernummatigaagut.

Pisortat ingerlatsiviini inerikkiartornerup killilersimaarnerani siunertarineqartutuaavoq ingerlatsinerup tamatuma killilersimaarnissaa. Aningaasaqarnerup tamarmiusup inerikkiartornerata pisortat ingerlatsineranni inerikkiartorneq qaangerpagu tamatuma kingunerissavaa namminersorlutik ingerlatsiviit pisortat ingerlatsiviini annertunerulissammata. Pisortat ingerlatsiviini inerikkiartornermik killilersuinerup nassatarissavaa aningaasat ersarinnerusumik pingaarnersiornissaannik pisariaqartitsineq, tamatumalu nassatarisaanik ilaatigut pisortat pisiortugaasa ilaat aningaasalersuinerallu killilersorneqartariaqassapput. Taama pingaarnersiuiineq inuussutissarsiutinik

ingerlataqartut ilaannut pisortanut nioqqutissanik sullississutinillu pilersuisunut sunniuteqarsinnaavoq. Suliffeqarfii taakku namminersortunut tunisisarnertik annertusarluarsinnaavaat, taamaalillutillu pisortani tunisinerup appariarsinnaanera taarserlugu.

Innuttaasut amerliartornissaat inuiaqatigiilluunniit agguataarnerisa ineriartornissaa siunnersuummi eqqumaffiginiarneqanngilaq. Taamaattumik siuliani allassimasut eqqumaffigalugit nalunaarsueriaatsip aaqqiiviginissaa nalilerneqartariaqassaaq.

Siunnersuut ilanngunneqarpoq. Takuuk § 2, imm. 3 aamma 4.

Pisortat qarasaasiaqarnikkut ataatsimut periusiinik atuinissaq naleqquttut Sulisitsisunit isigineqarpoq, naak immikkoortortat tamarmik periutsit pineqartut atortussaangikkaluaraat.

Kultureqarnermut, Ilinniartitaanermut Ilageeqarnermullu Naalakkersuisoqarfimmit (IKIN) kaammattuutigineqarpoq pisortat qarasaasiaqarnikkut ataatsimut periuseqarnissaat pillugu aalajangersakkatut siunnersuutigineqartumi erseqqissaatigineqassasoq periutsit pineqartut pisortat ataatsimut atugaattut isigineqarnerat qanoq paasineqassanersoq.

Siunnersuut ilanngunneqarpoq. Takuuk § 46 a, imm. 1.

§ 46 a-mut nassuiaatini oqaatigineqarpoq kommuni Namminersorluttilluunniit Oqartussat piunaffigineqarnermikkut namminerluunniit piunassuseq malillugu pisortat qarasaasiaqarnikkut periusiannik atuinissaq aalajangerpassuk tamanna neqerooruteqartarnermut inatsimmi § 3, nr. 3-mi peqataanginnissamik aalajangersakkami ilaasutut isigineqassaaq, taanna malillugu pisortat oqartussaasunit allanit suliffeqarfinnilluunniit pisinerit neqerooruteqarnissamik piunasaqarfiunngimmata.

§ 46 a-mut nassuiaatit aaqqinneqarput aammalu neqerooruteqartarnermut inatsimmi § 3, nr. 3-mut innersuussut peerneqarluni.

IKIN isumaqarpoq kommunit qarasaasiaqarnikkut aaqqiiniarnermi siunnersuut periusiusoq piuninaatsoq. Pisariinnerpaaq tassaassaaq kommunit qarasaasiaqarnermik ingerlatsinerminni kommunini qarasaasiaqarnikkut ataatsimoorluni ingerlatseqatigiiffimmik atuinissamik piunasaqarfiginissaat.

Ingerlatseqatigiiffimmik inatsisitigut arlaannaannulluunniit attuumassuteqanngitsumik pilersitsinissaq naapertuunnaviaranilu aningaasaqarnikkut imminut akilersinnaanaviannigilaq, taassuma suliassatuarissallugu pisortanut sullississutinik tunisineq. Suliassaqarfimmi matumani taama aaqqiissutinit siusinnerusukkut misilittakkat taama sulinermik aaqqissueriaaseqarnissamut naapertuussorinangillat.

Paasissutissiissutigineqarsinnaavoq 2021-mi aasap ingerlanerani MitID-p atuutsilerneratigut kommunit MitID-mik tunniussinissamut oqartussaasutut suliakkerneqassammata. Tamatumunnga piumasaqaataassapput kommunit tamarmik immikkut kukkunersiuuisunit uppersaammik ISAE 3000-imik tunniussissammata aammalu ISO 27.001-imi assigisaanilluunniit malinnissammata. Kommunit ataasiakkaat kukkunersiuinermut aningaasartuutaasa 250.000 kr.-unissaat naatsorsuutigineqartariaqarpoq. Tamatuma saniatigut ISO 27.001-imut assigisaanulluunniit atatillugu suliarinninnermut aserfallatsaaliinermullu aningaasartuuteqartoqassaaq.

§ 46 a-p nutaamik oqaasertassaatur siunnersuutigineqartoq IKIN-imit taamaaliinnarlugu isumaqatigineqanngilaq.

Ineqarnermut Attaveqatigiinnermullu Naalakkersuisoqarfimmit oqaatigineqarpoq takussutissat normulersorneqarnerat amigaatigineqartoq.

Ilanngunneqarpoq.

Ilanngussaq 2

Siunnersuut inatsimmut atuuttumut sanilliullugu	
<i>Oqaaseqatigiit atuuttut</i>	<i>Siunnersuut</i>
	§ 1 Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-imeersumi, Inatsisartut inatsisaanni nr. 24, 28. november 2018-imi allanngortinneqartumi, tulliuttut allannguutigineqarput:
<p>§ 2. Missingersuutit tamarmiusut pisortat aningaasaqarneranni tamarmiusuni ukiut sisamat ingerlaneranni oqimaaqatigiissinneqassapput imaluunniit sinneqartoorfiussapput.</p> <p><i>Imm. 2.</i> Missingersuutit oqimaaqatigiissinneqarnissaannik piumasagaat imm. 1-imi pineqartoq naammassineqarsimassaaq:</p> <p>1) kommunip ukiumoortumik missingersuutaani imaluunniit Namminersorlutik Oqartussat aningaasanut inatsisaanni isertitat, ingerlatsinerit sanaartornerillu nalinginnaasut inernerit tamarmiusut ukiut sisamat ingerlaneranni amigartoorfiunngippata,</p> <p>2) kommunit imaluunniit Namminersorlutik Oqartussat ingerlatsinerimut aningaasartuutaat tamarmiusut ukiumut annerpaamik 1,5 procentinik qaffassimappata aamma ukiut sisamat ingerlaneranni qaffariaataat annerpaamik 2,00 procentiuppat, aamma</p>	<p>1. § 2 ima oqaasertalerneqassaaq:</p> <p>”§ 2. Missingersuutit tamarmiusut kommunimi imaluunniit Namminersorlutik Oqartussani ukiut sisamat ingerlaneranni oqimaaqatigiissinneqassapput imaluunniit sinneqartoorfiussapput, taamaattoq imm. 3 takuuk.</p> <p><i>Imm. 2.</i> Missingersuutit oqimaaqatigiissinneqarnissaannik piumasagaat imm. 1-imi pineqartoq naammassineqarsimassaaq, kommunip ukiumut missingersuutai, missingersuutit ilanngullugit imaluunniit Namminersorlutik Oqartussat aningaasanut inatsisaat, missingersuutit ilanngullugit:</p> <p>1) ingerlatsinerimut aningaasaliissutit tamarmiusut Sanaartornermut, ingerlatsinerimut, isertitanut aamma tapiissutinut atatillugu ataatsimut inernerit amigartoorfiunngippata, aamma</p> <p>2) ingerlatsinerimut, tapiissutinut sanaartornermullu aningaasaliissutit tamarmiusut ukiumi ataatsimi annerpaamik 1,00 procentimik qaffariarsimappata kiisalu ukiut sisamat ingerlanerini ataatsimut qaffariaataat annertunerpaamik 2,00 procentiuppat.</p>

<p>3) kommunit imaluunniit Namminersorlutik Oqartussat ingerlatsinermut nuussisarnermullu aningaasartuutaat tamarmiusut ukiut sisamat ingerlaneranni isertitassatut naatsorsuutigineqartut annerpaamik 93 procentiisut annertutigippata.</p> <p><i>Imm. 3.</i> Nalinginnaasumik isertitat tassaapput § 18, imm. 3-mi isertitanut pineqartunut sanilliullugu isertitat allat.</p>	<p><i>Imm. 3.</i> Inatsisartut akuersissuteqarnerisa kingorna, imm. 2 malillugu naatsorsuinerminingaaasartuutit aningaasaliinernut taamaattunut atatinneqarsinnaasut ilanngunneqassanngillat, sunniutissanik nalilersuineq malillugu ataatsimut isigalugu inuiaqatigiit aningaasaqarneranut iluanaarutaasut nalilerneqarpat.</p> <p><i>Imm. 4.</i> Imm. 2 nr. 2-mi procentit annertussusissaat taaneqartut ukiunut pingasunut 1. januaari eqqorluarlugu innuttaasut amerliartornerannik kingusinnerpaamik Naatsorsueqqissaartarfiup nalunaarsugaasa agguaqatigiissinnerata 80 pct.-iannik qaffanneqassapput.</p> <p><i>Imm. 5.</i> Imm. 2 nr. 2-mi procentit annertussusaat taaneqartut ukiunut pingasunut 1. januaari eqqorluarlugu innuttaasut ikiliartornerannik Naatsorsueqqissaartarfiup kingusinnerpaamik nalunaarsugaasa agguaqatigiissinnerata 50 pct.-iannik ikilineqarput. Imm. 2 nr. 2-mi procentit annertussusaat taaneqartut ukiumut annerpaamik 0,25 pct. pointinik ikilineqarsinnaapput.</p> <p><i>Imm. 6.</i> Imm. 2-mi procentit annertussusaat taaneqartut aningaasaqarnermi ukiup tulliani aningaasaliissutit aningaasat amerlassusiata agguagarsiap assinganik qaffanneqassaaq, aningaasaqarnermi ukiut siuliini naatsorsuinerminingaaasat amerlassusaat nuunneqartut ilanngullugit naatsorsorneqarsimappata.</p> <p><i>Imm. 7.</i> Imm. 2-mi procentit annertussusaat taaneqartut aningaasaqarnermi ukiup tulliani aningaasaliissutit aningaasat amerlassusianit agguagarsiap assinganik qaffanneqassaaq, naatsorsuinerminingaaasat piffissap iluani aningaasat</p>
--	--

	<p>amerlassusaat kommuninit imaluunniit Namminersorlutik Oqartussanik suliassanut nuunneqartunut atatillugit tiguneqarsimappata. Taamatut pisoqartillugu imm. 2-mi procentit annertussusaat taaneqartut aningaasaqarnermi ukiup tulliani aningaasaliissutit aningaasat amerlassusianit agguagarsiap assinganik millineqassaaq, naatsorsuineri piffissap iluani aningaasat amerlassusaat kommuninit imaluunniit Namminersorlutik Oqartussanik suliassanut nuunneqartunut atatillugit tiguneqarsimappata.</p>
<p>§ 4. Naalackersuisoq taanna Naalackersuisut Siulittaasuata erseqqinnerusumik aalajangersaaneratigut tamatumunnga piginnaatinneqartoq ukiut tamaasa apriliip naalernerani ukiuni aningaasanut inatsiseqarfiusuni 4-ni tulliuttuni inerniliunneqartunut § 2, imm. 2, nr. 2 aamma 3-mi taaneqartunut missingersuusianut killiliussanullu naatsorsuutininik suliaqassaaq.</p>	<p>2. § 4 ima oqaasertalerneqassaaq: ”§ 4. Naalackersuisoq, Naalackersuisut Siulittaasuata erseqqinnerusumik aalajangiineratigut piginnaatinneqartoq, ukiut tamaasa februaarip naannginnerani kommunit aamma Namminersorlutik Oqartussat aningaasaqarnermi ukiut sisamat siuliinut missingersuusiasa inissisimanerannut naatsorsuutininik suliaqartassaaq. Naatsorsuutininik tamanut saqqummiussinissaq sioqqullugu Aningaasaqarnermut Siunnersuisoqatigiinnut oqaaseqaateqarfigineqartussanngorlugit saqqummiunneqartassapput. <i>Imm. 2.</i> Naalackersuisoq Naalackersuisut Siulittaasuata erseqqinnerusumik aalajangersagaa malillugu tamatumunnga piginnaatinneqartoq, ukiut tamaasa apriliip naannginnerani ukiuni aningaasanut inatsiseqarfiusunut tullernut sisamanut kommuninut aammalu Namminersorlutik Oqartussanut aningaasanut § 2, imm. 2, nr. 2-mi taaneqartunut tunngavigineqartut nalunaarsortassavai. Naatsorsuutininik saqqummiussinissaq sioqqullugu kommuninut</p>

	oqaaseqaateqarfigineqartussanngorlugit saqqummiunneqartassapput.”
	<p>3. § 13-imi imm. 4-tut ilanngunneqassaaq:</p> <p>” Imm. 4. Namminersorlutik Oqartussat illuutaanik aalaakkaasunik, sanaartugaataanik pigisaanillu nalilinnik allanik ingerlaavartumik aserfallatsaaliuinnermut aamma nutarsaanermut aningaasanut inatsimmi aningaasanik immikkoortitsisoqarnissaa pillugu malittarisassanik Naalakkersuisut aalajangiisinnaapput.</p>
<p>§ 14. Aningaasanut inatsisissatut siunnersuut Namminersorlutik Oqartussat sanaartugassaasa iluarsagassaasalu pilersaarusiornissaannut aningaasaliissutissanut siunnersuutininik imaqarpoq.</p> <p>Imm. 2. Aningaasanut inatsisissatut siunnersuut Namminersorlutik Oqartussat sanaartugassaasa iluarsagassaasalu suliarinissaannut aningaasaliissutissanut siunnersuutininik imaqarpoq.</p> <p>§ 15. Aningaasanut inatsisissatut siunnersuut Namminersorlutik Oqartussat illuutininut aalaakkaasunut, sanaartortitsinernut suliassanullu allanut aningaasaliinermi aningaasaliissutissanut siunnersuutininik imaqarpoq.</p> <p>Imm. 2. Aningaasanut inatsisissatut siunnersuut Namminersorlutik Oqartussat sanaartortitsinissanut iluarsagassanillu taarsigassarsititsisoqarnissaanut neriorsuutaanut aningaasaliissutissanut siunnersuutininik imaqarpoq.</p> <p>Imm. 3. Aningaasanut inatsisissatut siunnersuut Namminersorlutik Oqartussat sanaartortitsinissanut iluarsagassanullu tapiissuteqarnissaannut</p>	<p>4. §§ 14-17 ima oqaasertalerneqassapput:</p> <p>” § 14. Sanaartugassanut iluarsagassanullu aningaasaateqarfik taamaallaat missingersuutininut naatsorsuutininullu teknikikkut aningaasaateqarfiuvoq aamma Nunatta Karsiani ilaavoq.</p> <p><i>Imm. 2.</i> Sanaartugassanut iluarsagassanullu aningaasaateqarfimmi Nunatta Karsianit sanaartornermut aningaasaliissutit isertitatut nalunaarsorneqassapput. Tamanna aamma atuuppoq sanaartornermut aningaasaliissutininut, Inatsisartut aningaasaqarnermut ataatsimiititaliaanit kingusinnerusukkut akuerineqarsimasunut aamma § 13, imm. 4 naapertorlugu aningaasaliinernut tunniunneqarsimasunut.</p> <p><i>Imm. 3.</i> Sanaartornermi suliniutit aningaasartuutaat Sanaartugassanut iluarsagassanullu aningaasaateqarfimmi aningaasartuutit nalunaarsorneqassapput.</p> <p><i>Imm. 4.</i> Aningaasaqarnermut ukiut akornanni akiliutigineqartut nikingassutai Sanaartugassanut iluarsagassanullu</p>

<p>aningaasaliissutitut siunnersuutit inimaqarpoq.</p> <p>§ 16. Aningaasaliissutit § 14-imi aamma § 15-imi taaneqartut atornissaat pillugit Naalakkersuisut ukiumoortumik nassuiaammik Inatsisartunukatussamik suliaqartassapput. Nassuiaat ilaatigut suliniutit nutaat, suliniutitut aallartinneqartut aamma suliniutit naammassineqartut unitsinneqartulluunniit pillugit immikkut killiffinnik imaqassaaq.</p> <p>§ 17. Atuinikinnerusoqarneranut sanaartortitsinerit imaluunniit iluarsaanerit kinguaattoorfiusimanerat pissutaasimappata aningaasaliissutit taaneqartut ukiunut aningaasanut inatsiseqarfiusunut tulluuttunut § 14 aamma § 15-imi taaneqartunut nuunneqarnissaat pillugit malittarisassanik Naalakkersuisut aalajangersaasinnaapput.</p>	<p>aningaasaateqarfimmi oqimaaqatigiissinneqartassapput.</p> <p><i>Imm. 5.</i> Sanaartornermi suliniutini ataasiakkaani katillugu aningaasartuutitut aningaasaliissutigineqarsimasunit aningaasartuutikinnerunermi sinneruttut, suliniutip naammassineqarnerani Nunatta Karsianut utertinneqartassapput.</p> <p>§ 15. Naalakkersuisoq, Naalakkersuisut Siulittaasuata aalajangersagaannit piginnaatinneqartoq, Sanaartugassanut iluarsagassanullu aningaasaateqarfiup ingerlatsineranut missingersuutitut aamma aningaasaliinermut tunngasunik aalajangersaassaaq.</p> <p>§ 16. Naalakkersuisoq, Naalakkersuisut Siulittaasuata aalajangersagaannit piginnaatinneqartoq, Sanaartugassanut iluarsagassanullu aningaasaateqarfimmik ingerlaavartumik aqutsinermut siulersuissaaq.</p> <p>§ 17. Naalakkersuisut Sanaartugassanut iluarsagassanullu aningaasaateqarfimmi ingerlatat pillugit Inatsisartunut ukiumoortumik nalunaarusiortassapput, ilagalugit suliniutitut nutaanut, suliniutitut ingerlasunut aamma naammassineqarsimasunut imaluunniit suliniutitut taamaatiinnarneqarsimasunut, taama tulleriillutik, immikkut killiffiit.</p> <p><i>Imm. 2.</i> Nalunaarusiaq suliniutit suussusaannut aamma suliniutitut eqimattakkaanut immikkoortiterneqassaaq ima, nutaamik pissarsinissamut aningaasaliissutit aamma aserfallatsaaliuinerit iluarsagassanullu aningaasaliissutit akornanni immikkoortitsisoqarluni.”</p>
---	--

	<p>5. § 20-p kingorna ilanngunneqassaaq:</p> <p>” § 20 a. Kommunalbestyrelsit kommunimut sanaartugassanut iluarsagassanullu aningaasaateqarfimmik pilersitsinissaq akuerisinnaavaat. Aningaasaateqarfik missingersuutitut naatsorsuutinullu teknikikkut aningaasaateqarfiuvoq kommunip karsiani ilaasoq.</p> <p><i>Imm. 2.</i> Sanaartugassanut iluarsagassanullu aningaasaateqarfimmi ukiumoortumik missingersuutit sanaartornermut aningaasaliissutit aamma sanaartornermut aningaasaliissutit tapiissutitut aningaasaliissutitut akuerineqarsimasut isertitatut nalunaarsorneqassapput.</p> <p><i>Imm. 3.</i> Sanaartornermi suliniutit aningaasartuutaat sanaartugassanut iluarsagassanullu aningaasaateqarfimmi aningaasartuutitut nalunaarsorneqassapput. Ukiuni naatsorsuiffiit akornanni akiliutigineqartut nikingassutai sanaartugassanut iluarsagassanullu aningaasaateqarfimmit naligiilersinneqassapput. Sanaartornermi suliniutini ataasiakkaani aningaasartuutikinnerunermi sinneruttut, suliniutip naammassineqarnerani kommunip karsianut utertinneqartassapput.</p> <p><i>Imm. 4.</i> Aningaasaqarnermut ataatsimiititaliaq Sanaartugassanut iluarsagassanullu aningaasaateqarfimmi ingerlatat pillugit kommunalbestyrelsimut ukiumoortumik nalunaarusiortassaaq, ilagalugit suliniutitut nutaanut, suliniutitut ingerlasunut aamma naammassineqarsimasunut imaluunniit</p>
--	--

	suliniutitut taamaatiinnarneqarsimasunut, taama tulleriillutik, immikkut killiffiit.”
<p>§ 42. Kommuniip naatsorsuutai aningaasaqarnermut ataatsimiititaliamit kommunalbestyrelsimut saqqummiunneqassapput. Naatsorsuutitut ilaatinneqassapput:</p> <p>1) kommunip qularnaveeqqusiinerinut, attartornerinut, attartortitsinerinut aamma qularnaveeqqusiissuteqarnermi pisussaaffiitut nalunaarsuutit,</p> <p>2) pisariaqartitsineq naapertorlugu pissutsit qanoq ittuunerannut nassuiaatit, minnerunngitsumik aningaasaliissutaasut naatsorsuutaasullu malunnaatilimmik nikingassuteqarneranni, aamma</p> <p>3) kommunip aningaasaliiffigisassatut pilersaarutaanut, ukiunut arlalinnut missingersuusiaanut il. il. tunngatillugit pissutaasunut nassuiaatit</p>	<p>6. § 42, imm. 1, ima oqaasertalerneqassaaq:</p> <p>” Kommuniip naatsorsuutai aningaasaqarnermut ataatsimiititaliamit kommunalbestyrelsimut saqqummiunneqassapput. Naatsorsuutitut ilaatinneqassapput:</p> <p>1) kukkunersiuisumit nassuiaatit,</p> <p>2) kommunip qularnaveeqqusiinerinut, attartornerinut, attartortitsinerinut aamma qularnaveeqqusiissuteqarnermi pisussaaffiitut nalunaarsuutit,</p> <p>3) pisariaqartitsineq naapertorlugu pissutsit qanoq ittuunerannut nassuiaatit, minnerunngitsumik aningaasaliissutaasut naatsorsuutaasullu malunnaatilimmik nikingassuteqarneranni, aamma</p> <p>4) kommunip aningaasaliiffigisassatut pilersaarutaanut, ukiunut arlalinnut missingersuusiaanut il. il. tunngatillugit pissutaasunut nassuiaatit</p>

	<p>7. § 42-p kingorna ilanngunneqassaaq:</p> <p>”§ 42 a. Kommuni kingusinnerpaamik ukiumi naatsorsuiffiusumi 2023-mi atuutilertussamik kommunip pissarsiassai akilerneqanngitsut isumakkeerfiginerisigut nammineq aningaasaatimi aaqqiiviginissaanut Naalackersuisut akuersissuteqarsinnaapput. Pissarsiassat nalikilliliiffissamit ukiunik marlunnik sivikinnerusumik akilerneqartussaasimasut akuersissummi ilaatinneqarsinnaanngillat. Taamatut akuersissuteqarnissamut atugassarititaasunik piumasqaatinillu erseqqinnerusunik Naalackersuisut aalajangiisinnaapput, tassungalu ilanngullugu akiligassat qanoq ittut akuersissummut ilaatinneqarsinnaanerit aalajangersinnaallugu.</p>
<p>§ 43. Kukkunersuiisup nassuiaatai Aningaasaqarnermut Ataatsimiititaliamut nalunaarutigineqassapput. Aningaasaqarnermut Ataatsimiititaliaq ingerlatsivinnit aningaasaqarnermut ataatsimiititaliap toqqaannartumik ataaniinngitsunit akissuteqaatinik piumasqaassaaq. Akissuteqaatit Aningaasaqarnermut Ataatsimiititaliap kommunalbestyrelsimut inassuteqaataani ataatsimoortuni ilaatinneqassapput. Kommunalbestyrelsip aalajangiiffigissavaa ukiumoortumik naatsorsuutitut nassuiaataasut akissuteqarfigineqarnissaat aammalu ukiumoortumik naatsorsuutit akuersissutigineqarnissaat.</p>	<p>8. § 43, imm. 1, uniffik siulleq atorunnaarsinneqassaaq.</p>
<p>§ 46 a. Naalackersuisut makkua pillugit maleruagassanik aalajangersaasinnaapput:</p>	<p>9. § 46 a ima oqaasertalerneqassapput:</p>

<p>1) Kommunit aamma Namminersorlutik Oqartussat ataatsimoorlutik IT atorlugu periaatsimik pisortani ataatsimoorussamik pissarsinissamut, ingerlatsinermut ineriartortitsinermullu aaqqissuussaaneermik pilersitsissasut. Naalakkersuisut tassunga ilanngullugu aaqqissuussaaneq qanoq siulersorneqassanersoq, IT atorlugu periaatsit pisortani ataatsimoorussatut isigineqartariaqarnerannut tunngavissarititaasut suusanersut, aaqqissuussaaneermi aningaasartuutit kommunit aamma Namminersorlutik Oqartussat akornanni agguarneqassanersut, aaqqissuussaaneermi kommunit aamma namminersorlutik Oqartussat saniatigut allat sullillugit suliaassanik suliaqartoqarsinnaanersoq <u>il.il.</u>, maleruagassanik aalajangersaasinnaapput.</p> <p>2) Naalakkersuisut aammattaaq aalajangersinnaavaat, kommunit aamma Namminersorlutik Oqartussat IT atorlugu periaatsit pisortani ataatsimoorussat suut atussaneraat. ”</p> <p>Imm. 2. Naalakkersuisut kommunit aamma Namminersorlutik Oqartussat erseqqinnerusumik aalajangikkatut annertussusilimmik paasissutissanut nalunaarsukkanut akisussaaffik aaqqissuussaaneernut imm. 1-imi taaneqartunut suliakkiissutigineqassasoq, Naalakkersuisut aalajangersinnaavaat.”</p>	<p>” § 16 a. Naalakkersuisut Pisortat ataatsimoorlutik qarasaasianik ingerlatsinerannut siulersuisut inassuteqareernerisigut aammalu kommunit tusarniarneqareernerisigut aalajangersinnaavaat:</p> <p>1) qarasaasiat sorliit pisortani ataatsimoorussatut isigineqassanersut, aamma</p> <p>2) kommunit aamma Namminersorlutik Oqartussat pisortat qarasaasiat ataatsimoorlutik sorliit atussaneraat, tassungalu ilanngullugu pisussaaffik kommuninut tamanut aammalu Namminersorlutik Oqartussanut imaluunniit taakku ilaannaannut atuutissanersoq.</p> <p>Imm. 2. Naalakkersuisut malittarisassanik aalajangersaasinnaapput, kommunit Namminersorlutik Oqartussallu peqatigalugit pisortat qarasaasianik ataatsimoorlutik pisaarnissamut, ingerlatsinermut ineriartortitsinermullu aaqqissuussaaneermik pilersitsissasut. Naalakkersuisut matuma ataani malittarisassanik aalajangersaasinnaapput, aaqqissuussaaneq qanoq aqunneqassanersoq, aalajangiinermi tunngaviit suut malillugit qarasaasiat pisortani ataatsimoorussatut isigineqassanersut, aaqqissuussaaneerup aningaasartuutai kommunit Namminersorlutillu Oqartussat akornanni qanoq agguarneqassanersut, aaqqissuussaaneq kommunit aamma Namminersorlutik Oqartussat avataanni allanut sullissilluni suliaqarsinnaanersoq il.il.”</p> <p>Imm. 3. Naalakkersuisut kommunit aamma Namminersorlutik Oqartussat erseqqinnerusumik aalajangikkatut annertussusilimmik paasissutissanut nalunaarsukkanut akisussaaffik aaqqissuussaaneernut imm. 1-imi taaneqartunut</p>
---	---

	suliakkiissutigineqassasoq, Naalakkersuisut aalajangersinnaavaat.
<p>§ 49. Sanaartugassanut Iluarsagassanullu Aningaasaateqarfik, takuuk Namminersornerullutik Oqartussat missingersuutaat pillugit Inatsisartut inatsisaanni §§ 21-24, §§ 14-17 atulersinneqarnerisa ukiut tallimat qaangiunneranni ulloq 31. december atorunnaarsinneqassaaq, takuuk § 48, imm. 2. Namminersornerullutik Oqartussat missingersuutaat pillugit Inatsisartut inatsisaanni §§ 21-24 Sanaartugassanut Iluarsagassanullu Aningaasaateqarfiup atorunnaarsinneqarnerata peqatigisaanik atorunnaarsinneqassapput.</p> <p>Imm. 2. Naalakkersuisut Sanaartornermik Iluarsartuussisarnermillu aningaasaateqarfiup atorunnaarsinnissaanut malittarisassanik erseqqinnerusunik aalajangersaasinnaapput, tassunga ilanngullugu aningaasaateqarfiup ataani sulianik atorunnaarsitsinernut atatillugu ikaarsaarnermi aaqqissuussinernik aningaasaateqarfiullu aningaasaataanik nuussinernik aalajangersaanerit.</p> <p>§ 50. §§ 2-5-ini aalajangersakkat piffissami 1. januar 2019 - 31. december 2021 atuutissanngillat, taamaattoq takuuk imm. 2.</p> <p>Imm. 2. Naalakkersuisut nalunaarummi piffissaq atorunnaarsitsiviusoq imm. 1-imiittoq sivikillisissinnaavaat.</p>	<p>10. §§ 49 aamma 50 atorunnaarsinneqassapput.</p>
	§ 2

	<p>Inatsisartut inatsisaat ulloq 1. januar 2022 atuutilerpoq, inatsisillu atuutilerneranit ukiumoortumik missingersuutitut aningaasanullu inatsisinut akuersissutigineqartunut atuulluni.</p> <p><i>Imm. 2.</i> Inatsisip atortuulersinneqarnerani Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersumi §§ 21-24 atorunnaarsinneqassapput.</p> <p><i>Imm. 3.</i> 2023-mut § 2, imm. 2, nr. 2-mi naatsorsuutit killiffii taaneqartut, Inatsisartut inatsisaanni § 1, nr. 1-imi, matumani oqaasertaliorneqartutut aningaasaqarnermi ukiuni sisamani tulliuttuni kommuninut tamanut aamma Namminersorlutik Oqartussanut, kommunit ukiumoortumik missingersuutaat aamma Namminersorlutik Oqartussat 2021-mut Aningaasaqarnermut inatsisaat ilassutitullu aningaasaliissutit 1. januar 2022 sioqqullugu akuerineqarsimasut tunngavigalugit, ukiumoortumik missingersuutit imaluunniit aningaasanut inatsit akuerineqarsimasut 1,50 procentimik ilassuserlugu killigitat aalajangerneqassapput. Naalakkersuisoq taanna Naalakkersuisut Siulittaasuata erseqqinnerusumik aalajangiineratigut tamatumunnga piginnaatinneqartoq, 2022-mi apriilip naannginnerani naatsorsuutit suliaqassaaq.</p> <p><i>Imm. 4.</i> Naatsorsuutit § 4, imm. 1-imi taaneqartut, Inatsisartut inatsisaata atulersinneqarneranit aningaasaqarnermut ukioq naammassineqartoq kisimi ilaavoq aamma siullermeertumik februaari 2023-p naanerani suliarineqassaaq.</p>
--	---